

濟寧州志

十六
十七



DS
793
842
C5532
1785
v.9



濟寧直隸州志卷十六

古蹟六

碑考上

漢碑之存於今者可屈指計而濟州之存者有五亦雄矣其文日就漫漶山陽張氏所以有濟州學碑釋文之作頗稱精核然漢碑之在濟州者正不止此雖已亡失志古者不得而遺之且今普照寺階一石刻車馬形或疑是畫像殘碑又寺門壁中有石側刻至元某年移此數字或以爲范式碑安知亡失者不復出也故廣採趙

氏洪氏婁氏諸書以補張氏釋之所未備為碑
考二卷而唐宋元明之碑不計存否亦並附焉
其搜討未盡者姑以俟好古之君子云

漢謁者景君墓表 元初元年

惟元初元年五月丁卯故謁者任城景君卒嗚呼

關二國喪淑臣朝失貞良同 關四吏無 關四瞻學

者靡 關六紀德 關二生有爵號歿 關其功 關二即

辭云

惟君東脩仁知 關興門 關發政 關然 關三爾 關五

風兼體 關二明折幽通言信行篤謙廉允躬 關二

北海闕二所闕六寇攘闕二而有闕二昌闕兮

闕曰闕一孔闕曰闕二兮闕四無傷兮異色闕

艾知命亡兮不闕百闕四兮闕七兮更去闕二是

其闕兮闕動後昆芳闕將兮闕五永昌兮紀此銘

見隸釋

歐陽修曰右景君碑尤磨滅惟謁者任城景君
數字尚完其餘班班可見者皆不能成文故其
年世壽考功行卒葬莫可考也蓋漢隸今尤難
得其磨滅之餘可惜爾熙寧二年十月晦日山

齋書錄集古

歐陽棐曰右隸書不著書撰人名氏文字訛缺
其首曰惟元元下缺二字蓋其年號也又曰謁
者任城景君卒其餘雖時有完者不可考矣

集古

目錄

趙明誠曰右謁者景君表其額題漢故謁者景
君墓表而其文云元初元年五月丁卯故謁者
任城景君卒其他文字磨滅時有可讀處皆斷
續不成文矣元初安帝時年號也此在漢時石
刻中殘闕爲甚特以安帝以前碑碣存者無幾
不可棄也故錄之

金石錄

古蹟

三

洪适曰謁者景君碑隸額一行有穿碑十六行

行二十九字皇帝賻高出三字

隸額

右故謁者景君墓表隸額景君任城人以安帝
元初元年卒石磨滅可讀者纔數句碑陰有諸
生服義者十五人卽立碑之人也東都自路都
尉始見墓闕蓋表阡銘墳之濫觴也有文而傳
於今則自景君始其分行布字已井井有法題
首七字波勢清逸有八分之體惟皇帝賻三字
特出於誌文之上齊葬穆妃議立石誌王儉以
爲非禮經所出元嘉中顏延之章爲之遂相祖

述爾梁任昉作文章緣起又云墓碑自晉始
考酈氏水經所載漢刻已爲不少後魏與齊梁
時相先後也豈碑碣多在北方南人未之見乎
然郭林宗傳云林宗旣葬同志者立碑蔡邕爲
其文謂盧植曰吾爲碑銘多矣惟郭有道無愧
色史稱王儉晉宋以來故事儀典諳憶無遺每
博議引證先儒無能異者范書所載豈不知之
今漢人墓刻猶存數十百碑其云始於晉宋非

也

碑以玆枉爲糾
枉鄂驚爲愕

隸釋

景君碑陰

諸生服義者

義士北海劇張敏字公輔弟子濟北茌平甯尊字
伯尊弟子山陽南平陽方京字孟平弟子濟北茌
平吳良字威賢弟子齊國臨菑宋成字子賓弟子
齊國臨菑劉封字漢輔弟子魯國卞呂昌字永興
弟子樂安高宛牟龍字文世弟子清河靈劉異字
仲禹弟子清河靈孟訢字輔公弟子清河靈孟福
字叔道弟子魏郡庠仝田朗字季持弟子魏郡內
黃景茂字元愷弟子山陽湖陸尹倉字升進弟子
山陽湖陸董奮字元夜

見隸
釋

趙明誠曰右謁者景君碑陰其前題云諸生服義者又云義士北海掾張敏字公輔弟子濟北荏平寧尊凡十五人皆完好可讀云

金石錄

洪适曰右景謁者碑陰義士一人曰北海張敏碑中若有剖符北海字其文斷續難考餘人皆稱弟子則傳道受業之人也墓之有碑所以紀功述德昭垂後世者也一時賓客因以刻名其陰託之不朽爾今景君之碑淪碎不復成章而碑陰諸人姓名畧無刊缺物之不可預期如此

隸釋

顧藹曰謁者景君碑陰首行題諸生服義者五
字疑是郟令景君闕題名趙氏洪氏皆以爲謁
者碑陰碑亡無考姑闕其疑

隸辨

郟令景君闕銘

元初五年

惟元初四年三月丙戌郟令景君卒以五季二月

闕四字

序君存時恬然無欲樂道安貧信而好古非

法不言治歐陽尙書傳祖父河南尹父步兵校尉

業門徒上錄三千餘人明明側陋遠近照聞

闕司

聘請流化下邳未極考績續母妻之子無隨沒俯

就禮畢故府復請司空太常博士並舉高經君爲

元假涂郊闕姦耶洒心澄激清靜焚書哀嘆丰闕

黃耆終始無衙被病喪身歸于幽冥祖載之日游

魂象生元路皆闕朱艸闕二達巷方軌涕泣實闕

諸生服義百有餘人廼刻比石紀闕行闕見闕懷

德聞自嘆吟千秋萬世闕四為闕二孝積德闕四

堂壇羅闕闕野魂而有靈闕無闕

歐陽修曰右景君石郭銘余既得前景君碑又

得此銘皆在任城不知一景君乎將任城景氏

之族多耶文字磨滅不可考故附于此熙寧三

年正月朔旦山齋記集古錄

歐陽棐曰景君石槨銘附其文曰惟元初四年三月丙戌景君卒以五年二月葬又曰司空太常博士舉高經君爲其元其後遂曰以病喪身蓋文多訛缺此其粗可見者也皆在任城

集古錄曰

按集古錄及集古錄目皆以郟令景君闕銘附謁者景君碑後而名之曰景君石郭銘詳考隸釋固非一碑也故移於此

趙明誠曰右郟令景君闕銘云云按漢人爲景君刻銘本欲傳於不朽而不著其族系名字何

哉

金石錄

洪适曰右郊令景君闕銘諸生服義者所立景
君歷下邳郟兩邑以安帝元初四年卒墓有雙
石闕其一刻此文在濟州任城縣南景君三世
傳歐陽尚書高第編牒至三千人公卿皆以爲
明經舉首亦顯門之耆儒也碑旣不載其名儒
林傳唯有廣漢景鸞乃治齊詩施氏易者范氏
罔羅踈畧蓋不止一郊令也惜哉

真卽棄字
真卽真字

隸
釋

山陽麟鳳碑

永建元年

洪适曰右山陽麟鳳瑞像右鳳而左麟其下各

刻一贊其陰又刻銘辭皆小篆兩旁有隸字其
篆云永建元年 秋七月饗時山陽太守河內
孫君見碑不合禮掾夔造新刻瑞儀麟鳳其銘
辭曰漢盛德中興卽政二年辛酉之部首歷六
十麟青龍起蟬嫣三月季春爰易立石順禮典
文九九應度數萬世常存爾雅注單閼音丹漫
一音蟬嫣永建二年歲在丁卯故此碑用蟬嫣
字宋元章畫史云此圖半篆半隸麟一角上高
如足翹如惡馬鳳高冠尾長甚可怪也以詩題
之曰非篆非科璞已雕形容振振與蕭蕭曾因

忠厚方周德坐想訐謨覽舜韶漢惠已衰還應
孽魯邦既弱不爲妖虛齋自是驚人玩不勝雄
狐遂怒鵬漢碑有麟鳳者不特此一碑元章時
未之見耳

隸續

按隸辨云碑在濟州

北海相景君銘

漢安二年

惟漢安二年仲秋

闕二字

故北海相任城景府君卒

歎歎哀哉國

闕二字

廩英彦失疇列宿虧精晚學後

時于何穹倉布命授期有生有死天寔爲之豈夫
仁據彼勉不遺於是故吏諸生相與論曰上立羣

后莫不流光

闕

於無窮垂芳耀於書篇身歿而行

明體亡而名存或著形像於列圖或輟頌於管絃

字

後來詠其烈竹帛叙其勲乃作誄曰伏惟

明府受質自天孝弟淵懿帥禮蹈仁根道核藝抱
淑南真晶白清方勉已治身寔深寔剛乃武乃文

遵孝孝謁假階司農流惠元城興利惠民強衛段

節微弱蒙恩威立澤國化行如神帝嘉厥功授已

符命南郡益州路遐舉親躬伯遜讓夙宵朝廷建

英忠謹辨秩東衍璽追嘉錫據北海相部城十九

郡歸向分明好息先吕敬讓殘偽易心輕照

踰竟鳴臯不鳴分子還養元二鰥寡蒙祐呂寧蓄

道脩惠闕祉呂榮紛紛令儀明府體之仁義道術

明府膺之黃朱邵父明府三之台輔之任明府宜

之呂病被徵委位致仕民闕思慕遠近搔首農夫

醉耒商人空市隨輦飲淚奈何朝廷奪我慈父去

官未旬病乃困危珪璧之質臨卒不回歎闕賁絕

奄忽不闕孝子慙惻顛倒剝摧遂闕勉寤永潛長

歸州里鄉黨隕涕垂哀故吏忉怛歎歎俚侗四海

冠蓋驚惶傷裏大命闕期寔惟天闕明主設位明

府不就臣子欲養明府弗留歎歎哀哉

衛曰考積幽窆

闕三字

兮

闕四字

翔議郎兮再命虎將

綏元二

兮覲英渠謨主忠信兮羽衛藩屏撫萬民

兮

闕四字

恩

闕二字

兮宜叅鼎輔

闕

榘榘兮不永縻壽

美臣子兮仁敦海外著甘棠兮

闕

石勒銘

闕

不亡

兮

見隸釋

歐陽修曰右北海相景君銘其碑首題云漢故

益州太守北海相景君銘其餘文字雖往往可

讀而漫滅多不成文故君之名氏邑里官闕皆

不可考其可見者云惟漢安二年北海相任城

府君卒城下一字不可識當爲景也漢功臣景

丹封櫟陽侯傳子尙尙傳子苞苞傳子臨以無
嗣絕安帝永初中鄧太后紹封苞弟遽爲監亭
侯以續丹後自是而後史不復書而他景氏亦
無顯者漢安順帝年號也君卒於順帝時蓋與
遽同時人也碑銘有云不永麋壽余家集錄三
代古器銘有云眉壽者皆爲麋蓋古字簡少通
用至漢猶然也治平元年四月二十九日書

錄

歐陽棐曰右隸書不著書撰人名氏景君任城
人嘗爲北海相終於益州太守碑文歷歷可見

而不著君之名字蓋北海故吏諸生之所立也

漢安二年立在任城

集古錄目

趙明誠曰右北海相景君碑在濟州任城縣景氏在漢世爲任城人今有三碑尙存余皆得之

此碑最完

金石錄

洪适曰北海相景君碑篆二行碑十七行行三十三字穿居其中在第八字之下其三行各廢兩字碑中屢稱明府獨伏惟明府一句其明府字平闕亂曰亦平闕

隸續

右漢故益州太守北海相景君銘篆額濟州任

城有景氏三碑皆不著其名字景君嘗屬司農
宰元城刺益部相北海以順帝漢安二年卒其
前已有誄曰其後有誄曰者亂省其乚也其文
曰宜叅𨔵𨔵字書無𨔵字當是借作拂取輔拂
之義趙氏有碑陰載故吏自都昌台邱遲而下
十九人皆作脩行漢隸循脩二字頗相近恐是
借用爾予蓋未見也碑以倉爲蒼以淥爲柔以
衡爲禦以醴爲釋以鍾爲
𨔵以麋爲眉質卽質字擊卽戀字恩卽
惡字𨔵卽奔字裏卽懷字矣卽棄字
釋
亟齋張弼曰景君此銘皆韻語叙事其云皐白
清方皐音皎顯也卽皎潔之意元二鰥寡漢碑

重字例作小 二不書二字全文有云作元二者
非孝子愷惇察說文無此二字乃澎潯之借作
爲涕淚交流之意澎又正作滂漢書有滂潯流
旣可作証佐尅卽克字數卽繫字惠卽德正字
此照行謄寫凡值圓竅三行各離隔兩字非文
字之缺也此碑書法亦與他碑小異漢隸原有
數種也隸釋原云未見碑陰今增出附後

濟州學碑

釋文

趙岫曰此碑殘缺幾不成文考集古錄蓋自歐
陽永叔時已然而都京敬乃錄其全文止缺三

十字不知何據京敬又云家藏漢碑不完者皆以隸釋足之此是耶王元美曰隸法自古雅但益州部當言刺史不當言太守額曰銘辭曰誄亦屬未妥東京作者往往如是而碑中眉壽作麋壽歐公以爲古字通用底是

石墨鐫華

北海相景君碑陰

故中部督邾都昌羽忠字定公

按釋文邾作邾

故門下督盜賊劉騰頌字叔遠

故門下議史平昌蔡規字中舉

按釋文中卽仲

故門下書佐營陵孫榮字丑榮

故門下書佐淳于逢訢字闕成

故騎吏劉晉麟字敬石

故吏朱虛孫徵字武闕
按釋文云武達

故吏營陵薛逸字伯踰

故吏營陵闕鴻字中闕
釋文云慶鴻中卽仲

故吏都昌呂闕字盃闕
釋文云呂福字孟尻

故吏都昌張暘字元釋文云強
暘字元暘

故書佐都昌羽質字闕倣釋文作
孟倣

故書佐朱壺鞠欣字君大

故書佐平壽淳于闔字久宗

故書佐營陵徐曾字曾華

故書佐都昌張彤字翔甫

釋文翔作彤

故書佐淳于孫悝字元卓

故書佐營陵鍾顯字

闕寶 釋文云槐寶

行義劉張放字公輔

釋文放作斂

故書佐劉乘禹字陌度

釋文陌作伯

故書佐東安平闔廣字廣宗

釋文闔作閭

故書佐劉紀政字立堅

故書佐淳于孫晄

晄字威光

故脩行都昌台邱暹字立德

故脩行都昌董芳

方字

秀芳

釋文芳皆作芳

故脩行營陵留崇

赤字

漢興

故脩行都昌翼選字漢久

故脩行營陵是盛字護宗

故脩行營陵

闕

遲字武平

釋文云多遲

故脩行營陵臨照字景耀

釋文耀作耀

故脩行都昌張駿字臺卿

故脩行營陵淳于登字登成

故脩行營陵顏理字中理

中郎仲

故脩行營陵水邱邵字君石

釋文邵作邵

故脩行都昌呂興字世興

故脩行都昌逢進字世安

故書佐劉徐德字漢昌

行三年服者

故書佐劉姚進字元豪

凡八十七人

故書佐劉邴鍾字元鍾

故書佐都昌張翼字元翼

故脩行都昌張耽字季遠

故脩行劉中

闕

字季遠

釋文云
中香

故脩行平壽徐允字伯允

釋文徐允
作侯允

故脩行淳于趙尚字上卿

故脩行都昌段音字立節

故脩行都昌齊晏字本子

故午營陵是遷字立達

故午營陵笛斂字元成

故午淳于董純字元祖

故午營陵縹良字立騰

故午朱壺炅詩字孟道

故午都昌台邛遷字孟堅

故小史都昌齊冰字文達

故小闕都昌張亮字元亮

釋文遷作暹

釋文史作吏

釋文云小吏

豎建

闕二字釋文云虎碧

惟故臣吏慎終追遠諒闇沈思守

衛墳園

闕仁

綱禮脩陵成宇立樹列既就聖典有制

三載

釋文作義闕二字釋文作義闕二

當離墓側永懷

闕二字釋文作靡既

文

洪氏缺依釋文補

不

缺釋文作可

巨

釋文作呂

義

闕釋文作割

志

乃著遺

辭曰明厥義魂靈瑕顯降垂嘉祐

見隸續

趙明誠曰右景君碑陰按後漢書百官志注河

南尹官屬有循行一百三十人而晉書職官志

州縣吏皆有循行今此碑陰載故吏都昌台耶

暹而下十九人皆作脩行他漢及晉碑數有之

亦與此碑陰所書同豈循脩字畫相類遂致訛

謬邪碑陰又有故午營陵是遷等六人名姓莫知其何官又台邛不見於姓氏書惟見於此者

兩人云

金石錄

洪适曰右景北海碑陰三列故中部督郵故門下督盜賊故門下議史各一人故門下書佐二人故騎吏一人故吏四人故書佐十五人行義一人故脩行十九人故午六人故小史二人第三列姓名之下又云行三年服者凡八十七人末以兩行刻四言韻語十八句脩脩二字隸法只爭一畫書碑者好奇所以从省借用趙云故

午者莫知其爲何官按百官志載郡縣吏屬自曹掾之下有書佐有循行有幹有小史此碑故午六人在循行小史之間隸文幹字其旁从工从干或从一从午蓋幹字省文婁壽碑朱爵司馬亦官名也省爵爲尉脩字皆省作攸亦此之類嗚呼三年齊斬天下之通喪也西都以日易月羣下化之短喪廢禮薛宣謂三年服少能行之者兄弟相駭睽乖異同翟方進續母旣葬三十六日除服視事薛翟二公當時皆在相位降及東都上下一律安帝始聽大臣二千石刺史

行三年喪不四年復斷威宗嘗聽刺史二千石
行三年喪不五年亦斷見之碑碣司隸魯峻以
母喪乞身徙議郎則解組居廬僅行於下僚爾
繁陽令楊君上虞長度尚以叔父憂西鄂長楊
弼以伯母憂思善侯相楊著以從兄憂廣平令
仲定以姊憂皆解官而歸趙圉令有兄之喪則
不應司徒府之辟當其時二千石已上不行三
年之服而令長小

下闕

隸釋

婁機曰景北海碑陰凡三列後一列下云行三
服者凡八十七人西漢皆以日易月故所

禮者必特書之蓋當時孝子所不能爲而施之

於師資恩地爲可尙也

漢隸
字源

顧絳曰北海相景君碑并陰八分書今在濟

寧州儒學漫漶

金石文
字記

朱彝尊漢北海相景君碑并陰跋濟寧州儒學

孔子廟門列漢碑五其制各殊北海相景君碑

其一也地志不載何年立以予考之元天歷間

幽州梁有字九思曾奉勅歷河南北錄金石刻

三萬餘通上進類其副本爲二百卷曰文海英

瀾于濟得漢刻九子泗水中葛邏祿廼賢寄以

詩云泗水中流尋漢刻泰山絕頂得秦碑閱歐陽趙氏著錄斯碑本在任城其移置于學者必天歷間矣碑辭漫漶其陰旁右壁工以不能椎拓辭予留南池三宿強令拓之題名有督郵督盜賊議史書佐騎吏吏行義脩行午小史豎其云午者不載于續漢書百官志卽趙氏亦不知也廣韻詮邱字稱漢複姓凡四十有四引何承天姓苑漢有司隸校尉水邱岑而斯碑有脩行水邱郃營陵人又有脩行都昌台邱遲故午都昌台邱遲則在四十四姓之外亦足資異聞也

已吉金貞
石志

張弼曰右景君碑陰其每名書法不盡一例首
或止稱官名或稱門下某官或止稱故吏等想
因人而用也次其地名次則其姓名與字耳至
若借用及省文字漢碑亦多如此故隸釋跋語
云趙氏有碑陰載故吏自都昌台邱暹而下十
九人皆作脩行漢隸循脩二字頗相近恐是借
用又婁機漢隸字源二十八韻內翰幹字下收
午字注云景北海碑陰故午六人在循行小史
之間隸文幹字其旁從人從干或從亠從午今

作午蓋是幹字省文與尉爲爵攸爲脩之類同
又干字注云司馬整碑陰諸曹脩行二十四人
諸曹干十三人在書佐小史之間蓋是以脩爲
循以干爲幹皆省文也又有瞽姓名麟者察說
文瞽上從二无與先
不同下从目七感切音儻俗作儻今俗譌

改作咎卽此姓也咎當是芥尻與居切同卽尻
處正字也縹卽縹字名字第三列下有行三年
服者八十七人二行十字末後有銘二行十八
句句四字叶韻共七十二字參考舊本乃幾經
審視而後得者凡辨別此等漫漶之處須用精

心密察然後見之若少不加意則去古遠矣撮
工每圖省紙下方與末尾不肯及人益易忽并

標出以告後之君子

濟州學
碑釋文

顧藹曰𡵿卽赤字漢尚赤故名赤而字漢興亟
齋以爲當是𡵿字非也

同上

牛運震曰右北海相景君銘并陰高六尺濶二
尺二寸厚五寸五分字徑九分額字徑一寸六
分陰字徑七分在濟寧州孔子廟戟門東側西

向

金石
圖

敦煌長史武斑碑

建和元年

建和元年大歲在丁亥二月辛巳朔廿三日癸卯

長史同闕下

敦煌長史武君諱斑字宣張昔殷王武丁克伐鬼

方元功章炳勲咸王府官族分析因以為氏焉武

氏蓋其後也商周假貌歷世墳遠不隕其美漢興

以來耐位相踵闕朝忠臣君劣闕顏閔之櫛質長

敷旂夏之文學慈惠寬闕孝友元妙苞羅術藝貫

洞聖闕博兼闕二耽綜典籍闕三純求福不回清

聲美行闡形遠近州郡貪其高賢闕二請以闕二

歲舉闕翼紫宮闕二詔除光顯玉室有闕於國帝

庸嘉之掌司古闕領校祕鄭斫闕幽微追昔劉向

辯賈之徒比闕萬矣時戎闕匡正一闕朝廷

惟憂闕有司闕舉君斑到官之日闕癘吏士

哮扇之怒薄伐闕並百姓賴之邦域既寧久勞

于外當還本朝以叙左右以永嘉元年闕月闕日

遭疾不闕哀闕於是金鄉長河間高陽史恢等追

惟昔日同歲郎署感闕為自古在昔先聖與仁闕

字興替闕人存生榮死哀是闕萬幸伊君遺德

闕孔之珍故闕石銘碑以旌明德焉其辭曰於惟

武君允德允恭受天休命積祉所鍾其在孩提岐

嶷發蹤謙

闕

守約唯誼是從孝深凱風志絜羔羊

樂是

字闕二

恬此

闕

光孳孳臨川闕見

闕

庸席仰冀

首徵妙元通

闕

然清邈

字闕六

升

闕

爲帝股肱扶助

大和萬民區蒙顯宗

字闕二

史官書功昊天上帝降

茲鞠凶穢忽徂逝

字闕四

不享

闕

考大命

字闕二

百遺

惟

闕

后帝感傷學夫聖士女悽愴

闕

表金門令

問不忘垂

闕

後昆萬載歎誦尚書丞沛國蕭曹芝

堂成武令中山安熹曹种

字闕二

豐令下邳良成

崇

字闕二

故陳留府丞魯國魯

字闕四

防東長齊國

紀伯允書此碑嚴祺字伯曾

闕

見隸

釋

歐陽修曰右班碑者蓋其字畫殘滅不復成文其氏族州里官閥卒葬皆不可見其僅見曰君諱斑耳其首書云建元年大歲在丁亥而建下一字不可識以漢書考之後漢自光武至獻帝以建名元者七謂建武建初建光建康建和建寧建安也以歷推之歲在丁亥廼章帝章和元年後六十一年桓帝卽位之明年改本初二年爲建和元年歲又在丁亥則此碑所闕廼建和元年也碑文闕滅者十八九惟亡者多而存者少尤爲可惜也故錄之治平元年四月二十日

書

集古錄

歐陽棐曰右不著撰人名氏嚴祺字伯曾隸書

君名斑字宣

下字缺一

敦煌人碑以建和元年立今

其文字磨滅姓名鄉里初得其髣髴而官

迹皆不可復知矣

集古錄目

趙明誠曰右敦煌長史武班碑歐陽公集古錄

云漢班碑者蓋其字畫殘滅不復成文其氏

官闕卒葬皆不可見其可見者君諱班爾今以

余家所藏本考之文字雖漫滅然猶歷歷可

其額題云漢故敦煌長史武君之碑知其

而官爲敦煌長史也碑云君諱斑字宣張昔殷王武丁克伐鬼方元功章炳勲藏王府官族析分因以爲氏知其名字與氏族所出也又云永嘉元年卒知其卒之年月也

金石錄

洪适曰右故敦煌長史武君之碑隸額在濟州任城武君名斑字宣張從事梁之猶子吳郡府丞開明之元子執金吾丞榮之兄也以冲帝永嘉元年卒碑者後三年同舍郎史恢曹芝六人所立字小石損

隸釋

婁機曰建和元年立在濟州任城縣東漢多門

生故吏爲立碑惟武斑柳敏二碑則同舍爲之
集古錄作漢斑碑以不知其姓氏也

漢隸
字源

武氏石闕銘

建和元年

趙明誠曰右武氏石闕銘云建和元年太歲在
丁亥三月庚戌朔四日癸丑孝子武始公弟經
宗景興開明使石工孟季季弟卯造此闕直錢
十五萬綏宗作師子直四萬開明子宣張仕濟
陰年二十五曹府君察舉孝廉除敦煌長史被
病云歿苗秀不遂嗚呼哀哉士女痛傷武氏有
數墓在任城開明者仕吳爲吳郡府丞綏宗

梁仕爲郡從事宣張名班皆自有碑

金石錄

按銘辭乃武氏墓道石闕非爲一人而立姑以其年次之於此字源云建和元年立在濟州

吳郡丞武開明碑

趙明誠曰右吳郡丞武開明碑云君字開明而其名已殘闕又云永和二年舉孝廉除郎謁者漢安二年遷大長秋丞長樂太僕丞永嘉元年卷母去官復拜郎中除吳郡府丞壽五十七建和二年十一月十六日遭疾卒其可見者如此

其他磨滅不能盡讀按後漢書志大長秋丞一人秩六百石本任宦者又長樂少府位在長秋上及職吏皆宦者又有大僕二千石在少府上丞六百石據志所載中宮及長樂宮官屬皆以宦者爲之而以史傳及漢魏石刻參考如大長秋少府之類皆祿用士人今武君以孝廉爲郎謁者郎中吳郡府丞皆非宦者之職然則兩宮官屬蓋亦祿用士人也

金石錄

武開明碑在濟寧州

陸通志

從事武梁碑

元嘉九年

官壽殘失威宗建和之元年開明爲其兄立闕刻
其成行攄騁技巧委蛇有章垂示後嗣萬世不亡
其辭曰

懿德元通幽呂明芳隱居靖靈休曜章芳樂道忽

榮垂蘭芳芳身歿名存

闕四字

見隸釋

趙明誠曰右從事武梁碑云故從事武掾諱梁
字綏宗體德忠孝岐嶷有異治韓詩闕幘傳講
兼通河雒諸子傳記又云州郡請召辭疾不就
安衡門之陋樂朝聞之義又云年七十四元嘉
元年季夏三日遭疾隕靈其後有銘云懿德元

通幽以明芳隱居靖處休曜章芳樂道忽榮垂
蘭芳芳身沒名存傳無疆芳其他刻畫皆完可
讀文多不盡錄碑在濟之任城余崇寧初嘗得
此碑愛其完好後十餘年再得此本則闕其最
後四字矣

金石錄

洪适曰右從事武君碑在濟之任城武君名梁
以威宗元嘉元年卒孝子仲章等立此碑與服
志古者有冠無幘秦後稍稍作顏題漢文乃崇
其中爲屋未冠童子幘無屋者亦未成人也此
碑及武榮碑皆有闕幘傳講之文蓋謂其未冠

之年已能傳道講學也武君屢辭辟召不闕權
門踰七望八爵秩不躋故銘文無可鋪叙而其
後云孝子孝孫躬脩子道竭家所有選擇名石
南山之陽擢取妙好色無斑黃前設壇墠後建
祠堂良匠衛改雕文刻畫羅列成行攄騁技巧
委蛇有章若曰松楸窀穸之事不應辭費如此
此碑長不半尋廣纔尺許既無雕畫技巧亦非
羅列成行其辭決不爲碑設也詳味之似是指
石室畫像爾

碑中似卽貳字遭卽遭
字礪卽壇字墠卽墠字

隸釋

武梁祠堂畫像

伏臧倉精初造工業畫卦結繩以理海內

祝誦氏無所造為未有者欲荆罰未施

神農氏用宜教田辟土種穀以振萬民

黃帝多所改作造兵

闕三字

裳立宮宅

帝顓頊高陽者黃帝之孫而昌

闕二字

子

帝侖高辛者黃帝之曾孫也

帝堯放勳其仁如天其知如神就之如日望之如

雲帝舜名重華

夏禹長於地理

闕一字

泉

闕一字

陰隨

闕二字

退為肉荆

自伏臧至夏
是是一段

管仲 齊桓公 曹子封桓 魯莊公

關一 侍郎關一 專諸炙魚刺殺吳王 吳王

荆軻 樊於其頭 秦武陽 秦王自管仲至秦王是一段

關二人名 豫讓殺身以報知己 關一人名

齊王 無鹽媿女鍾離春自豫讓至無鹽是一段

梁高行 奉金者 使者

關一人名 胡妻 秋胡

義姑姊 姑姊兒 衛將軍自梁高行至衛將軍是一段

關一人名 使者

長婦兒 梁節姑姊 抹者 姑姊其室失火取

兒子往輒得其子赴火如亡示其誠也

闕二人名

後母子 前母子 齊繼母

京師節女

怨家攻者

自使者至怨家攻者是一段

藺相如趙臣也奉璧於秦 秦王

范且

闕二人名

自藺相如至范且是一段

魯子

闕二字

孝呂通神明貫感

闕一字

祇著乎朱方後

世凱式

闕二字

無綱

子騫後母弟

子騫父

閔子騫

闕一字

母居喪

闕一字

字

移子騫

闕一字

寒御

闕一字

失

闕一字

老萊子楚人也事親至孝衣服斑連嬰兒之態人

親有驩君子嘉之孝道大焉 萊子母 萊子父

丁蘭二親終後立木爲父鄰人假物輒乃借與自

子至丁蘭是伏戟下一段

寇士 縣功曹是豫讓下一段

闕一人名 榆母

渠父 刑渠哺父

朮父 董朮千乘人也

章孝母 朱明 朱明弟 朱明妻

李氏遺孤 忠孝李善

休屠像 騎都尉自榆母至騎都尉是梁高行下一段

關一人名

義祿羊公 乞祿者

湯父 魏湯關一字

孝關一字 葬關一者

孝孫 孝孫關一字 父自羊公至孝孫父見隸釋

趙鼎諡曰右武氏石室畫像五卷武氏有數墓

在今濟州任城墓前有石室四壁刻古聖賢畫

像小字八分書題記姓名往往為贊于其上文

詞古雅字畫遒勁可喜故盡錄之以資博覽

錄

洪适曰右武梁祠堂畫像爲石六其五則橫分爲二梁高行藺相如二段又廣於它石所畫者古帝王忠臣義士孝子賢婦各以小字識其旁又爲之贊文者其事則史記兩漢史列女傳諸書合百六十二人有標題者八十七人其十一人磨滅不可辨又有鳥獸草木車蓋器皿屋宇之屬甚衆水經云金鄉有司隸校尉魯恭冢冢前有石祠自書契以來忠臣孝子貞婦孔子及七十二弟子之形像皆刻之四壁今此碑已無闕里聖賢知其非魯君石祠中物也又云鉅野

有荊州刺史李剛墓其石室三間四壁雕刻爲君臣官屬龜龍麟鳳之文飛禽走獸之像今此碑不畫四靈又知其非李剛石壁也趙德夫雖云嘗得魯君石室所刻而題其所藏碑則云武氏石室畫像其說云武氏有數墓在濟之任城墓前有石室四壁刻古聖賢像趙君東人當知其實而不能辯此畫爲武氏誰人家前者金鄉鉅野皆隸山陽與任城接境必是東州阡壟當時競有此製予按任城有從事掾武梁碑以威宗元嘉元年立其辭云孝子仲章季章季立

孫子僑躬修子道竭家所有選擇名石南山之
陽擢取妙好色無斑黃前設壇墀後建祠堂良
匠衛改雕文刻畫羅列成行攄騁技巧委蛇有
章似是謂此畫也故予以武梁祠堂畫像名之
後之人身履其壤會能因斯言以求是先儒說
三皇五帝者不一太史公采大戴禮舉少昊而
不錄經傳皆云帝顓之後黎爲祝融蓋高辛之
火正也惟莊子以祝融氏與戲農赫胥同辭白
虎通旣依史記五帝之序遂以戲農祝融爲三
皇至論五行則又以祝融爲南方之神初非通

論此碑以祝誦爲祝融而介於戲農之間則白
虎通之說也帝王世紀稱上古聖人牛首蛇身
之類亦猶孔子四十九表所謂龜脊虎掌世之
言相者有犀形鶴形之比也俗儒作圖譜遂有
真爲異類之狀者此碑所畫伏戲自要以下若

蛇然亦非也

碑以樊於其爲樊於期秦武陽爲秦舞陽魏女爲醜女凱式爲楷式

斑連爲斑爛者卽嗜字卦卽劫字將卽將字巍卽魏字

釋隸

右武梁祠堂畫記自伏羲至於夏桀齊公至於
秦王管仲至于李善及萊子母秋胡妻長婦

之類合七十六人

滅與初無題識者又八十六人得之括蒼梁季
珩始予聞建康寓客有此碑嘗託連帥方務德
訪之未至而書已成方亦刻郡齋地遠歲久殆
將亂真也

隸續

右碑圖下卷范史趙岐傳云岐自爲壽藏圖季
札子產晏嬰叔向四像居賓位自畫其像居主
位皆爲讚頌以獻帝建安六年卒家在荊州古
郢城中漢人圖畫於墟墓間見之史冊者如此
水經所載則有魯恭李剛碑碣所傳則有朱浮
武梁此卷雖具體而微可使家至而人皆見之

畫繪之事莫古於此也

魯恭卽魯峻

同上

朱彝尊漢武梁祠碑跋右漢從事武梁祠堂畫象傳是唐人拓本舊藏武進唐氏前有提督江河淮海兵馬章後有襄文公順之暨其子鶴徵私印漢自趙岐營壽藏圖晏平仲羊舌叔譽東里子產延州來季子四象紀之史冊此外如宋浮魯恭李剛魯峻董蒲范皮諸祠墓畫象刻石者匪一惟梁祠人物最多洪适隸續具摹其形古帝王忠臣義士孝子賢婦凡一百六十有二人今是冊存者僅帝王十人孝子四人而已山

黃帝至舜圖皆服冕禹手操掘地之器冠頂銳而下卑殆士冠禮郊特牲所云毋追者是觀此可悟聶崇義三禮圖之非桀以人爲車故象坐二人肩背隸續所摹失其真矣每幅上下四旁有小字分書題識姓名或間作韻語趙明誠稱其字畫遒勁史繩祖謂其筆法精穩可爲楷式觀者但覺墨光可鑑元氣渾淪謂爲唐本當不

虛也

吉金貞石志

顧藹曰愚按畫象中所題魯莊公莊字不避明帝諱似非武梁祠堂所刻當從金石錄題武氏

石室畫象可耳

隸辨

後漢明帝諱莊故若莊周莊助皆改爲嚴諸碑
莊字亦從變體或爲莊或爲𡗗惟此作莊不
著年月其在明帝前乎金石錄未定武氏何人
隸釋以武梁碑有後建祠堂云云遂定武梁祠
堂畫象武梁卒於桓帝元嘉元年恐未必是也

同上

郎中王政碑

元嘉三年

君諱政字季酺漢中太守之孫從事掾之第三子

也姿履

三闕

蘇之慘愛敬以事生哀憾以送終奉

三闕

歐陽尙書

研典賁侃

闕三

上

闕四

童冠聿集

承義

方

闕三

郡端右州辟從事

闕二

衛上先公

闕三

有羔羊

之潔糝申棠之欲

不營已好是正直仰不

闕六

守

防防東長威闕雙行帥下以儉決訟明

民糝

闕二

淫佚革弭閭里

闕二

風化宣流家

闕二

施舉孝廉除郎

中三署馳名見者宗

當豐人爵登彼

闕二

神命

闕四

罕脩仁不

卒從氛暴年五十以元嘉三年春

正月戊寅

闕三

旣歿而不

於是門徒士夫

君

闕二

咸有

闕二

乃相與立石表行以

後其辭曰

於

明君

方

白時言樂笑曲徑不由

職左

公事君蹇諤退食蠲私透虵允 仁慈闕讓忘闕

清潔已惟德之宅有嘉厥聲令聞孔碩養 俟闕

夕階 不闕以勒銘 昭厥德見隸續

歐陽修曰右王君碑文字磨滅不成文而僅有

存者其名字官闕卒葬年月皆莫可考惟其碑

首題云漢故郎中王君之銘知為漢人姓王氏

而官為郎中爾蓋夫有形之物必有時而弊是

以君子之道無弊而其垂世者與天地而無窮

顏回高卧於陋巷而名與舜禹同榮是豈有託

於物而後傳耶豈有為於事而後著耶故曰久

而無弊者道隱而終顯者誠此君子之所貴也
若漢王君者託有形之物欲垂無窮之名及其
弊也金石何異乎瓦礫也治平元年四月晦日

書

集古錄

歐陽棐曰郎中王君碑隸書不著書撰人名氏
碑石剝缺其間可見者曰季輔漢中太守之孫
餘不復可讀而其額曰漢郎中王君銘故知其

姓氏官閥耳

集古錄目

天下碑錄漢中郎王政碑在任城縣墓前

見隸釋

按隸釋應作郎中

洪适曰王政碑隸額二行文十二行行三十字

隸續

右漢故郎中王君之銘隸額在濟州王君名政
字季輔歷州從事防東長察廉除郎其壽五十
以威宗元嘉三年正月戊寅卒門徒士夫相與
立此石字雖殘闕尙多可讀者歐陽云磨滅不
復成文名字官閥卒葬年月皆莫可考蓋察之
不詳耳小歐陽以爲其字季輔趙氏以爲光
和元年立皆非也碑云有羔羊之潔無申棠之欲
鄭司農注魯論云申棖蓋孔子弟子申續家語

申續字周史記申棠字周此碑所用有自來矣

碑以賁爲墳憾卽
感字繼卽絕字

續

郎中鄭固碑

延嘉元年○此碑插入地尺許乾隆戊戌定海藍嘉瑄提出然猶未全

君諱固字伯堅著君元子也含中和之淑履上

仁

闕三字

孝友著乎閨門至行立乎鄉黨初受業於

歐陽遂窮究典籍膺游夏之文學襄冉季之政

事弱冠仕郡吏諸曹掾史主簿督郵五官掾功曹

入則腹心出則爪牙忠以衛上清以自修犯言謬

悖造膝危辭加以好成方類推賢達善遠遁退讓

當世以服之朔后珍瑋以爲儲舉先屈計掾奉

我

闕

貢清眇冠乎羣彦憲能藺乎聖心延熹元年

二月十九日詔拜郎中非其好也呂疾錮辭未滿
期限從其本規乃邁凶愍幸冊二其四月廿四日

遭命隕身痛如之何先是君大男孟子有楊烏之

才善性形於岐嶷

闕二

見於咈毳幸七歲而夭友

大君夫人所共哀也故建

闕作輯

其墳配食斯壇呂慰

考妣之心琦瑤延呂爲至憲不紀則鍾鼎奚銘昔

姪

闕二

武弟述其兄綜

闕四

行於蔑陋猷冒敢忘

乃刊石以旌遺芳其辭曰

於惟郎中寔天生憲願親誨弟愛恭竭力教我義

方導我礼則傳宣孔業佗在幙式從政事上忠臣
自勛貢計王庭華夏歸服帝用嘉之顯拜殊特將
從雅意色斯自得乃遭氛災隕命顛沛家失所怙
國闕忠直俯哭誰訴叩喘焉告嗟嗟孟子苗而弗
毓奉我元兄修孝罔極魂而有靈亦歆斯勒見隸釋

歐陽修曰右郎中鄭固碑文字磨滅其僅可見
者云云其餘殘闕不復成文又有逡遁退讓之
語遁當作循錮當作固疑漢人用字多假借又
疑以疾錮辭謂疾已堅固若云以疾篤辭覽者
詳之治平元年四月十二日書集古錄

歐陽棐曰郎中鄭固碑漢隸無書撰人名氏

集古

目錄

趙明誠曰右郎中鄭君碑賈誼過秦論云九國
之師遁巡而不敢進顏師古曰遁音千旬反流
俗書本巡字誤作逃讀者因之而爲遁逃之義
潘岳西征賦云遁逃以奔竄斯亦誤矣今此碑
有云推賢達善逡遁退讓詳其文意亦是逡巡
之義然二字決非一音蓋古人用字與後世頗
異又多假借故時有難曉處不知顏氏何所據
遂音遁爲逡乎

金石錄

洪适曰右漢故郎中鄭君之碑篆額鄭君名固
威宗延熹元年卒固以曹椽事其郡將而云犯
顏蹇謬造膝詭辭漢人用事不拘礙如此秦紀
引賈生云九國之師逡巡遁逃而不敢進陳涉
世家則刪逡巡二字班史又作遁巡故顏師古
讀遁爲逡而詆潘岳用遁逃爲非游俠傳逡逡
有退讓君子之風此云逡遁退讓蓋用史記語
歐讀遁爲循趙又惑於顏注予謂皆當讀如本
字碑以𠂔爲謬以𠂔爲詭以𠂔爲固以𠂔爲模
質卽質字𠂔卽獨字𠂔卽𠂔字𠂔音𠂔薄卽
簿字古原是𠂔字𠂔卽
四十𠂔古碑多用之
釋隸

鄭固碑篆額二行有穿文十五行行二十九字

行間方若碁局

隸續

婁機曰郎中鄭固碑在濟州任城縣學

見漢隸字源

顧絳曰郎中鄭固碑八分書今在濟寧州儒

學

金石文字記

其文有云逡遁退讓者逡巡之異文也管子桓公斲然逡遁漢書平當傳贊逡遁有恥叙傳逡遁致仕周禮司士注王揖之皆逡遁既復位儀禮士昏禮大射禮公食大夫禮注辟逡遁鄉射禮注少退少逡遁也聘禮注辟位逡遁又三退

三逡遁也又辟位逡遁又辟於其東面位逡遁也又退爲大夫降逡遁士喪禮注辟逡遁辟位也特牲饋食禮注辟位逡遁禮記玉藻注俛逡遁而退著屨也皆同此文顏之推匡謬正俗曰賈誼過秦論九國之師遁巡而不敢進遁者蓋取循聲以爲逡字當音七均切然余考之古書亦多不同如晏子春秋有云晏子巡遁而對晏子逡循對曰漢書萬章傳章逡循甚懼外戚傳逡循固讓皆以下字爲循而此碑及漢書禮注又以遁爲巡又如莊子忠諫不聽蹲循勿爭靈

樞經黃帝避席遵循而却亢倉子荆君北面遵
循稽首又逡循之異文而王薳傳後儉隆約以
矯世俗師古曰後音千旬反退也其字從彳則

又逡之異文也

楚辭九章思美人遷逡次而勿驅兮漢書公孫弘傳有功者上

無功者下則羣臣逡皆作逡

碑又書妣爲娵與堂邑令費鳳

碑同而玉篇云娵必媚切女名此又後人之解
也漢人書有遁甲開山圖雲麓漫鈔曰世所傳
遁甲書甲旣不可隱何名爲遁因引此碑證爲
循甲言以六甲循環推數也今按遁字古人以
代巡字者多當是巡甲太元經云巡乘六甲與

斗相逢

此碑上有一大孔漢碑多如此劉熙釋名碑被也此本王莽時所設也施轆轤以繩被其上以引棺也臣子追述君父之功美以書其上後人因焉故建於道陌之頭顯見之處名其文就謂之碑也此後漢時人所見云爾不知周時固有碑矣檀弓公室視豐碑注云豐碑斲大木爲之形如石碑於棹前後四角樹之穿中於間爲鹿盧下棺以綽繞

正義曰綽卽紼也鑿去碑中之木令空於空間著鹿盧鹿盧兩

頭各入碑木以紼之一頭繫棺緘以一頭繞鹿盧旣訖而入各背碑負紼末頭聽鼓聲以漸卻

行而喪大記君葬用輜四綽二碑大夫葬用輜
二綽二碑又曰凡封用綽去碑負引注云樹碑
於壙之前後以紼繞碑間之鹿盧輓棺而下之
此時棺下窆使輓者皆繫紼而繞要負引舒縱
之備失脫也用紼去碑者謂縱下之時也此劉
熙所指葬時施鹿盧下棺之碑也聘禮賓自碑
內聽命又曰東面北上上當碑南注云宮必有
碑所以識日景引陰陽也凡碑引物者宗廟則
麗牲焉以取毛血其材宮廟以石窆用木祭義
石牽牲旣入廟門麗於碑注云麗繫也謂牲入

廟繫著中庭碑也雜記宰夫北面於碑南東上
此注家所指在宮廟之中一爲賓揖之碑一爲
麗牲之碑者也碑之字本從石寔用木者取其
便於事也其見於西漢人之書者淮南子盧敖
見若士遯逃乎碑注曰匿于碑陰是也孫何碑
解曰何始寓家於潁嘗適野見荀陳古碑數四
皆穴其上若貫索之爲者問故起居郎張公觀
公曰此無足異也漢去聖未遠猶有古豐碑之
象耳後之碑則不然矣予見漢碑皆高不過今
之三尺餘可用以麗牲以木爲之可用以引棺

今既失其穿中之制而碑之高大乃無限度與

古人之碑名同而體異也

以上俱金石文字記

朱彝尊郎中鄭固碑跋已酉之春泊舟任城南池之南步入州學見儀門旁列漢碑五左二右三郎中鄭君固碑其一也碑文全漫漶不可辨識舍之去明年冬同崑山顧寧人嘉定陸翼王觀北平孫侍郎藏本文有逡遁字寧人謂是逡巡之異文退而引三禮注以證之且博稽晏子春秋作巡遁漢書作逡循莊子作蹲循靈樞經亢倉子作逡又謂逡遁之異文筆之金石文

字記以予考之集韻遂循後三字牽連書之均
七倫切音義則一說文釋走字云乍行乍止也
遁字雖音徒困切而配之以走當讀如足縮縮
如有循之循以爲假借則可不得謂之異文矣
寧人作音論惜集韻不存未知是書尙存天地

間故於諸書疑義未盡晰爾

曝書亭集

張弢曰鄭君碑下十字一段今已不存想因斷
裂截去幸隸釋載此全文猶爲完璧不然亦如
尉氏令之碑不可究竟矣以此知洪氏之有功

於後世不甚大哉

濟州學
碑釋文

顧藹曰予家有拓本尙完此碑斷裂蓋未久也

同上

牛運震曰右郎中鄭固碑高四尺二寸濶二尺

厚六寸字徑一寸一分額字徑一寸五分在濟

寧州孔子廟戟門西側東向碑已亡其下半雍

正六年李鯤

鯤舊誤鵬

化鵬於泮池左發地得之移

置碑傍下截高六寸濶一尺四寸

金石圖

執金吾丞武榮碑

靈帝時不知年

君諱榮字含和治魯詩經韋君章句闕幘傳講孝

經前漢書史記左氏國語廣學甄微靡不貫綜

久旂大學蘋然高厲

蘊於雙匹

匹學優則仕爲州

書佐郡曹史主簿督郵五官掾功曹守從事率州

六汝南蔡府君察舉孝廉

闕二

郎中遷執金吾丞

遭孝桓大憂七守元武感

感字

哀悲愴加遇害氣遭

疾墮靈

闕四

君卽吳郡府卿之中子敦煌長史之

次第也廉孝相承亦世載德不忝

闕四

命不竟

台衡蓋觀德於始述行於終於是刊石勒銘垂示

無窮其辭曰

天降雄彥資才卓茂仰高鑽堅允文允武內幹三

署外

闕

沛旅

闕

勒七守舊威

闕

武

闕

旗絳天雷震

電舉軟耀赫然陵惟哮局當遂股肱闕之元輔天

何不弔降此闕咎愆乎我君仁如不壽爵不副德

位不稱功咸襄傷愴遠近哀同身沒闕二萬世諷

誦

見隸釋

歐陽修曰武榮碑文字殘闕不見其卒葬年月

又不著氏族所出惟其碑首題云漢故執金吾

丞武君之碑云治平元年五月六日書集古錄

歐陽棐曰武榮碑漢隸不著書撰人名氏集古錄

洪适曰右漢執金吾丞武君之碑隸額在濟州

吳郡君名開明敦煌君名班榮之亡

在靈帝初漢興魯申公爲詩訓故齊轅固燕韓
嬰皆爲之傳又有毛氏之學故曰詩分爲四申
公授瑕邱江公韋賢治詩事江公傳子元成皆
至丞相孫賞以詩授哀帝至大司馬魯詩有韋
氏學此云治魯詩經韋君章句者此也闕幘者
未冠幘之稱語在武梁碑中鱣古鮮字鱣於雙
匹者鮮雙寡匹也

隸釋

顧絳曰執金吾丞武榮碑八分書無年月今
在濟寧州儒學殘缺婁機漢隸字源曰碑言遭
桓帝大憂哀隕而亡當是靈帝時也

金石文
字記

王弘撰曰碑額漢故執金吾丞武君之碑十字

作陰文凸起他碑所無

同上

朱彝尊執金吾丞武君碑跋武君榮碑在濟寧
州學儀門漢制執金吾一人丞一人月三繞行
宮外戒司非常水火之事秩六百石緹騎二百
人輿服導從光滿道路光武嘗歎曰仕宦當作
執金吾而樂府古歌辭稱陛下三萬歲臣至執
金吾蓋中興以後官不常置榮之本末惜碑文
已漫滅年月無考僅存其廓落焉爾

曝書亭集

張弼曰武君碑并後辭僅二百七十四字其闕

叙述寥二字體又小故碑後空處將半隸額更

作陽文黑字亦漢碑之變體者辭內軟卽敦仁

如不壽之如作而

濟州學碑釋文

顧藹曰漢碑額作黑字者甚多載於洪氏碑式
今汶上縣有衛尉卿衡方碑亦然不獨此碑也

同上

顧藹曰其文十行行三十一字

隸辨

牛運震曰右執金吾丞武榮碑高六尺三寸濶

二尺二寸厚六寸字徑九分額字徑二寸二分

在濟寧州孔子廟戟門西側東向

金石圖

司隸校尉魯峻碑

熹平三年

君諱峻字仲巖山陽昌邑人其先周文公之碩胄

闕二字伯禽之懿緒呂載弓祖考之銘也君則臨營

謁者之孫修武令之子體純皐之德秉仁義之操

治魯詩兼通顏氏春秋博覽羣書黷物不聚學爲

侯宗行而士表漢闕始任佐職牧守敬恪恭儉州

里歸稱舉孝廉除郎中謁者河內太守丞喪父如

禮辟司徒府舉高第侍御史東郡頓丘令視事四

季比縱豹產化行如流遷九江太守闕殘酷之刑

行循吏之道統政闕隳載縣若清風有黃霸召信臣

在潁南之歌呂公事去官休神家術未能一暮爲

司空丞

釋文作王

暢所舉徵拜議郎太尉長史御史中

丞延熹七年二月丁卯拜司隸校尉董督京輦掌

察羣寮調綱舉大權然疏發不爲小威呂濟其仁

弼中獨斷呂效其節案奏

闕

公彈紂五卿譬夏祖

肅佞穢者遠遭母憂自乞拜議郎服竟還拜屯騎

校尉呂病遜位守䟽廣止足之計樂於陵灌園之

契閉門靜居珥書自娛年六十一熹平元年

闕

月

癸酉卒明年四月庚子葬於是門生汝南干

闕

沛

國丁宜魏郡馬萌渤海呂圖任城吳盛陳留誠屯

東郡夏侯弘等三百廿人追惟在昔游夏之徒佗
謚宣尼君事帝則忠臨民則惠乃昭告神明謚君
曰忠惠父息歆不才弱冠而孤承堂弗構所薪弗
何悲蓼莪之不報痛昊天之靡嘉頓企有紀能不
號簷刊石叙哀其銘曰

巖巖山岳礪落彰較棠棠忠惠令德孔爍命闕時

生雅度弘綽允爽允武厥姿烈遑內懷溫潤外撮

強慮督司京師蹶然清邈闕常憲緄職爲國之權匪

究南山遐邇忉惻凡百君子欽謚嘉樂永傳嘉齡

煥矣的的

見隸釋

戴延之西征記曰焦氏山北數山有漢司隸校尉魯恭冢冢前有石祠石廟四壁皆青石隱起自書契以來忠臣孝子貞婦孔子及弟子七十二人形像像邊皆刻石記之文字分明

見酈道元水經

注

歐陽修曰石魯峻碑文字粗完故得其遷拜次序頗詳以見漢官之制如此惟云遭母憂自乞拜議郎又其最後爲屯騎校尉而碑首題云漢故司隸校尉忠惠父魯君碑二者莫曉其義治

平元年四月二十三日書

集古錄

歐陽棐曰右隸書不著書撰人名氏峻字仲嚴
高平昌邑人官至屯騎校尉以病去位門生干
商等追謚曰忠惠父碑以熹平中立在今濟州

集古
錄目

趙明誠曰右司隸校尉魯峻碑酈道元注水經
引戴延之西征記云云今墓與石室尙存惟此
碑爲人輦置任城縣學矣余嘗得石室所刻畫
像與延之所記合又其他地里書如方輿志寰
宇記之類皆作峻惟水經誤轉寫爲恭爾

金石
錄

洪适曰右漢故司隸校尉忠惠父魯君碑隸額

在濟州任城縣魯君名峻歷郎中謁者河內丞
侍御史頓邱令九江守議郎太尉長史御史中
丞司隸校尉遭母憂自乞拜議郎服竟還拜屯
騎校尉靈帝熹平元年卒明年葬門生丁直等
三百二十人謚之曰忠惠其子獻立石作銘水
經亦載此碑但誤以爲名恭爾歐陽公云峻遭
母憂自乞拜議郎又最後爲屯騎而碑首題以
司隸二者莫曉予嘗考漢代風俗相承雖丁私
難亦多以日易月鮮有執喪三年者故元初詔
書始聽大臣二千石行三年喪至建光元年復

禁不許李翊去官二交故銘文頌其考憂釋紼
時則有居憂不釋紼者矣肅宗時越騎校尉桓
郁以母憂乞身詔公卿議皆以郁身爲名儒學
者之宗可許之詔聽以侍中行服後其子焉爲
太子太傅以母憂自乞聽以大夫行喪二公纏
陟屺之痛皆避劇就閒與魯君以議郎行喪同
漢人所書碑誌或以所重之官揭之司隸權尊
而秩清非列校可比亦猶馮緄捨廷尉而用車
騎也周官注云義儀二字古皆音俄詩以實惟
我儀叶在彼中河樂且有儀叶在彼中阿太元

亦以各遵其儀叶不偏不頗左傳音蛾析作蟻

徐廣音犧舡作俄漢碑凡蓼莪皆作蓼儀此碑

又作蓼莪銘詩煥矣灼灼俱易火以日令德孔

鑠又復从女若堂堂作棠棠則它碑亦有之以

栗為看縱為蹤析為析緄為袞畜為億便即儒

字緇即細字契即絜字玨即琴字簪即嗟字衷

字即虐釋隸

魯峻碑隸額兩行有穿文十七行行三十二字

隸續

天下碑錄云蔡邕書

見字源

朱彝尊漢司隸校尉魯君碑跋右魯君碑熹平

二年四月立隸書額穿其中文一十七行本在金鄉山墓側趙德甫撰金石錄時已輦置任城縣學至今存焉相傳是蔡中郎書惜其文不入集中石久崩剝僅識其百一而已

吉金貞石志

張弼曰按洪氏隸釋在歐陽集古錄趙氏金石錄之後故其跋語叅攷甚詳且前列全文尤爲獨得但原本字畫悉依各碑隸體以楷法謄寫恐人難辨又將原行數移動更難對勘彼書欲傳各碑正蹟固應如此今本碑隸體具在卽以作準故釋文俱當用楷書其後有注者仍用本

文以存古意如史漢音釋之例前注未及者并
爲增出以便今讀呂卽以字又卽已止之已恪
卽恪正字大守卽太守𪔐卽穆𪔐卽巷𪔐卽暢
𪔐音崩𪔐卽花正字通作華夏甘音入俗作念
非督卽𪔐本字析薪弗何之何卽俗用擔荷字
說文正作儋何頓卽俯正字礪卽磊字銘內穆
然清邈本入聲音莫遐邇忉倒叶音讀忉鐸隸
釋原未載碑陰題名亦增出附後

濟州學
碑釋文

顧藹曰汝南干商見於碑陰洪氏誤釋干爲邢
其謂以𪔐爲看亦誤𪔐卽古刊字史記夏本紀

九山栞旅又山行栞木刊皆作栞

同上

顧藹曰趙氏洪氏皆云水經注亦載此碑而誤以峻爲恭今按水經注所載乃石壁畫象非此碑也金薤琳琅云鄭夾漈謂此碑書於蔡邕考徐浩古蹟記及他字書未聞邕嘗書此不知鄭氏何所據也

隸辨

按南原之辨甚細足正諸家之訛則恭或別是一人而石壁殘畫像仍宜以恭標目不得竟屬之峻也第相沿旣久姑仍其目而附識於此

魯君碑陰

故吏河內夏管懿幼遠千

故吏九江壽春陳龔伯麟五百

故吏九江壽春任琪孝長五百

故吏東郡頓邱許踰伯迥五百

門生沛國譙丁直景榮千

門生勃海蒿成呂圖世階千

門生東郡濮陽段敦登高千

門生汝南召陵千商朝公五百

門生南陽新野魏顥文臺五百

門生平原般路龍顯公五百

門生平原西平昌王端子行五百

門生陳留尉氏胡嵩永高五百

門生陳留尉氏胡昱仲表五百

門生濟陰定陶棣真子然五百

門生任城樊兒雄大平五百

門生平原樂陵路福世輔三百

門生魏郡斥邱李牧君伯三百

門生魏郡繁陽王輔子助三百

門生任城任城周普妙高三百

門生任城任城吳盛子興三百
門生勃海量合梁榕叔節三百

右上層

門生河東蒲反李□□時三百

門生河東蒲反陽成□文智三百

門生汝南汝陽鄭立□□三百

門生東郡臨邑夏侯弘孟松二百

門生東郡博平孫謙□□二百

門生東郡樂平邢顗□□二百

門生東郡樂平邢□□□二百

門生魏郡內黃馬萌子□二百

門生魏郡犁陽王□少□二百

門生汝南潁強尹棧超□二百

門生汝南潁強尹顥叔□二百

釋文叔
作淑

門生勃海南皮劉扶節□二百

門生勃海南皮劉盛興□二百

門生河間阜城東鄉晨子□二百

釋文城
作成

門生河間阜城東鄉恭公□二百

門生平原西平昌劉丕景高二百

門生平原般張謙伯讓二百

門生陳留尉氏夏統子思二百
門生濟陰乘氏許仁伯德二百
門生濟陰離狐周維元興二百
義士梁國寧陵史强强良二百

右下層

顧絳曰司隸校尉魯峻碑并陰八分書今在

濟寧州儒學

金石文
字記

張昭曰右魯君碑陰題名隸釋原未載此想亦
如景君碑之跋語所云蓋未見也今照本碑謄
出但洪公在數百年之前其碑文應尙完好此

時則有斷裂漫滅者只得缺之至凡碑題名書法亦不一例此碑每名之意則有六層首故吏門生等是屬下之稱也次河內九江東郡等是各人籍貫之郡名也次夏壽春頓邱等是各邑名也次管懿任琪許踰等是各姓名也次幼遠孝長伯迥等是各表字也次千五百等是各出助工錢數也古人之舉事詳悉如此較今之列名者殊遠恐近時未諳古制歸咎於碑字難辨特爲標出可隨前例讀之自無阻滯卽斷缺處亦可意會爲某等字樣可俟後補若去之則不

成文理矣附注蒲反卽蒲坂兒姓卽倪姓古字

原從省文也

濟州學碑釋文

顧藹曰洪氏隸續載魯峻碑陰九十有一人書姓氏而不名與此不合其跋語云藏碑者以爲魯君碑陰雖無所據度其石之廣適與魯碑合蓋洪氏誤以他碑之陰爲此陰也

同上

牛運震曰右司隸校尉魯峻碑并陰高八尺五寸濶三尺厚七寸字徑一寸二分額字徑二寸二分陰字徑八分在濟寧州孔子廟戟門東側

西向

金石圖

魯峻石壁殘畫象

祠南郊從大駕出時

小史騎持僮

持駙馬

小史僮弔

帳下騎

畫象未錄

駙馬

帳下騎

持大車帳下騎

鈴下

解明騎

爲騎

解

明騎持弓

木屮騎

鈴下

解明騎

畫象未錄

薦士生

奏曹書佐

主簿車

騎史僕射

子魯

升

君爲九江

荀子

邽子鍛

資

太守時

子

庄子慮

功曹史藥

縣子期

襄子孺

梁子魚

子景伯

子象

商子木

王字

樊子遲

求子鍛

左子行子

襄子

魚 顏子柳

公子虛

子思

子匱

朱子其

冉子產

駟子言

顏子路

夫子

高

見隸續

右魯峻石壁殘畫象二石並廣三尺崇二尺水

經云金鄉山司隸校尉魯君冢前有石祠石廟

四壁皆青石隱起自書契以來忠臣孝子烈婦

孔子及七十二弟子形象象邊皆刻石記之此

石上下三橫首行一勝云祠南郊從大駕出時

次有大車帳下騎鮮明騎小史騎凡十六勝次

車之上一勝三字上兩字畧有左畔偏旁似是

校尉騎字車前兩旁鮮明八騎步於中者四人
鈴下三十餘騎如魚鱗然列兩橫車之後後有
駙馬二匹帳下一騎小史持幢四騎次橫廐士
一人有膀奏書佐主簿車各一膀有車馬騎史
僕射二騎鈴下二騎各有膀第三橫冠劔接武
十有五人人一膀闕里之先賢也次石上橫兩
膀云君爲九江太守時車前導者八人後騎石
損其半少前一膀云功曹史導有車馬車前二
騎膀滅中橫但刻雲氣下橫十有六人形象標
膀與前石同後漢志大駕鹵簿五校在前按魯

峻碑嘗歷九江太守終於屯騎校尉從駕南郊
乃屯騎之職藏此者不知爲何人碑既有九江
標榜又有屯騎職掌更有先賢形象定爲魯峻
石壁所刻其誰曰不然考孔子家語史記七十
子傳邾子歛名異梁子魚名鱣商子木名瞿左
子行名郢縣子期名成樊子遲名須顏子柳名
辛冉子產名季顏子路名無繇叔子其者叔仲
會也史作子期子魯者姓冉名孺子象者姓縣
名亶子景伯者子服何也唐劉懷王作孔聖真
宗錄以子服景伯在七十子之間求子歛疑是

漆雕哆地皇侯錄書七作來韓勅碑書漆作淖

漆雕哆字子歛恐此求字是漆之省文縣子期

史作子祺

姓駟者恐是壤駟赤子偃恐是言游如顏子思襄子魚襄子孺數人姓氏

分明與史家異同魯根史記作申棠家語作申續檀弓以申詳為顓孫子張之能次

以為兩地音聲如此則傳聞異其辭無足疑者又二石長過於此其一之上橫畫

圖人物如武梁畫象主坐客拜侍於前後者六

又主客三人列坐侍者四中橫三車如雍邱令

畫一車導騎二一車兩人在前一車一人在後

屋下之人三五賓主三車有標榜皆湮滅下橫

十七人如前石所圖聖門高弟人亦少榜一字

不可認其一則上橫七騎皆右馳中橫二車一
有一導騎一則倍之末有五人在屋下二穉子
在屋上下橫兩氈車皆駕以一馬人一車有導
騎二末有五人在屋下立皆有膀惟四導騎者
上下各一字粗可認上曰君下曰郎魯君再爲
郎豈謂是乎以其冠劔人物絕類九江石壁所
畫疑此二石亦是魯祠四壁者汪聖錫家有此
碑

後漢志列侯會耕祠導從中有鮮明卒米氏畫
史朱浮墓石壁人物有鮮明隊或者不能細認

先賢姓字但見有鮮明數榜遂謂是朱浮墓壁
畫象非也予前書以功曹史門下督殘畫爲朱

浮墓中物亦非也

碑以鮮爲鮮以僮爲僮以薦爲薦

隸續

按前注子張之下當有子字又家不能次四字恐有誤

濟寧直隸州志卷十七

古蹟七

碑考下

郎中馬江碑

建寧元年

君諱江字元海者濟陰乘氏人

闕三字

之長孫湯

官丞之元子其先帝顓頊翳羸之後世在趙國
賜號馬服因遂氏焉暨于君身乾靈特挺岐嶷
有度元然清妙長有令稱通韓詩經贊業聖典
左書右琴明於光上之術顯於君臣之道郡將

平原高君深昭其德以和平元年舉孝廉除郎

中謙虛接下冠名三署昊天不

闕

遭離

闕

癘卒

卅元嘉三年正

下闕

失貞幹仕喪儀宗督並軌遼

醜縞素來赴慘痛號咷者不可勝數矣夫人寃

句曹氏終溫淑慎咸曰女師年五十建寧三

年十二月卒君中第字文緒位主簿督邳志行

闕

期落落自有大節年廿二早世短折故瑩迫

芒兆告斯土先君之庚地

闕

處還敝

闕五

神東

看祖禰西瞻舊廬皇神仿佛爰

闕二

居乃

闕一

碑銘勒厥勲其辭曰

鑠鴻德赫含光

闕

天爵衛紫

闕

聲

闕

著于周京

榱桷存其人亡

闕五字

藏顧几筵悽裏傷嗟詩云

感凱風歎寒泉惟梓乘

闕

靈

闕

期

闕四字

裔永克

昌歿不朽久彌章

趙明誠曰右漢郎中馬君碑文字殘缺所可

見者字元海而已又云其先賜號馬服因遂

氏焉又云以和平元年舉孝廉除郎中謙虛

接下冠名三署

案舊作三省葉本從隸釋作署

又云年四十

元嘉三年正月卒又云夫人年五十五建寧

三年十二月卒其他不可考究矣

金石錄

洪适曰右漢故郎中馬君之碑篆額馬君名江
威宗和平元年爲郡將高君所薦入補執戟之
列元嘉三年卒郎位無可紀之事惟載其同寮

醜類縞素遠來之衆爾此碑字體古拙而行間

疎密不等其間載建寧三年夫人曹氏卒蓋相

去十七年矣又載其弟文緒年三十二早世當

是因夫人卜兆以馬君共塋又同時改厝其季

故作碑併言之石有斷缺不能詳考其云東看

祖禰西瞻舊廬可見其瘞以昭穆也碑中仕喪

為士遼醜讀為寮
醜仿佛讀為髣髴
隸釋

字源云在濟州今濟寧州隸辨

按宋濟州治鉅野碑未知果在今州境否

尉氏令鄭季宣碑中平三年

君闕字季宣闕躬君之孫下闕君闕度和闕淑

字闕二五闕之闕文闕有趙宣闕振闕吳

杪之高闕二闕挹闕呂闕東闕守欽闕二闕以備

禮招陽闕可躍闕十闕行父貞忠闕六闕季闕二闕觀

國之光

關二

帝

關三

奇

關十

臣死夜在公

關七

賊雲會威

關四

我

關十

季四月

關五

社

關二

馮刃黨

關三

遠近

關

車

關

折駕賊

關十

乾割之

關

拜

關六

其旅供

關

天

關三

東鄙

關二

使掠如豹

關

一爾乃

關六

舍措九刑而

關四

政

關二

叭俾

關十

以耕養慰存

關

斐鰥獨靡困

關

績既

關六

虞放鵠

沙

關十

就洿

關二

恭穢

關三

遺則

關五

穆

關

之中神人協

關八

之

關三

或之宮弦誦並

關

仁義

交

關二

可謂

關二

五莢

關四

者也當

關三

儀鴻

關八

春秋五十有七中平二季四月辛亥

關

号

關四

之路無軻闕九輿施來闕弱睽孤其三季四月辛

酉闕塋故吏闕二笛欲子車之殉闕五斬綏方闕

咨父事君慕衛鼎之平泯恩粵人之闕二追頌君

德伐石銘碑摛闕繇闕五令問闕無闕其辭曰

堂堂惠君明闕二聲闕八帝闕四君我城討賊闕二

字如雷如霆既克有定忝心則寧民闕賴祉闕六

迹闕顯弈世闕二厥成伊產闕繼岱宗之靈喬鬱

隕闕景命不闕十石休有下闕見隸續

趙明誠曰右尉氏令鄭君碑云君字季宣聘君

之孫而其名已殘缺其他字畫時有可識處皆

斷續不成文理畧可見者年五十有七卒于中平二年而碑陰題尉氏故吏處士人名知其爲

尉令爾

金石錄

洪适曰右漢故尉氏令鄭君碑篆額穹碑多有裂文字半湮晦少成章句有其字而亡其名官闕略不一見僅存卒塋年月其中數十言載刼賊侵掠事前稱有吳札之高末叙故吏欲子車之殉碑陰姓名却班班可考其間奇字如書飢作飢書夙作夙一鵠字未詳碑有放鵠之句上下文剗滅不可考鵠與鵠同音鵠鵠是鵠名恐

是用趙簡子放鳩亭隸續

鄭季宣碑陰

議郎安衆下闕

故孟津都尉闕處元闕

關內侯張闕二詩

故方城長毛武闕二

故孝闕三耽闕虞

故後闕三堂闕康

故後事下闕又故

後事楊光子闕

故後事宗闕仲闕

故五官掾下闕

故五官掾邯鄲闕三

故守令呂嵩仲

故闕二任闕二

故督郵邯鄲敬下闕

故督闕邯鄲璣元闕

今司空掾

處

闕四

德源

處

闕謙闕

真

處

闕三

德

處

闕二

子朝

處

闕三

處

闕二

處

闕二

處

闕楚闕

政

處

闕二

元

處

闕下闕又闕一人

故吏

闕三

真

故吏

闕盛伯

故吏邯鄲謀孝起

故吏

闕二

子

上闕

祭酒

闕

敷

寸

上闕

掾邯鄲瑾子恩

門

闕二

曹史李

闕二

正

主簿

下闕

主簿

闕

彪叔

闕

上闕

邵朝

闕張

上闕 史闕三字 禮

主簿下闕

上闕 張下闕二字

上闕 讓闕二字

上闕 祺闕四字

門下史郎鄆睦寧

門下史闕二元

記室史辛闕三字

主記書佐下闕

主記書佐下闕

門下書佐丞釋文作王脩闕三字

記室書佐侯瑾闕二字

錄事書佐李規方政

記室闕二字 陳樊元雙

騎吏丁闕瑋珪

騎吏田闕元戒

騎吏馮雙子茂

直事干樊順伯叙

直事干陳瑚彥臺

直事干張超子與

直事千楊邵景 闕

直事小史 闕四

直事小史丞 闕 番子

直事小史荆 闕 后融

門下小史陳勛子勲

上闕 音伯字 見隸續

洪适曰右鄭季宣碑陰以八篆橫刻其上曰尉

氏處士故吏人名上下凡四橫其中都郵邯鄲

幾名字之下細書四字今司空掾末有直事干

四人亦是以干為幹語在景北海司馬整碑陰

最後空十餘行有一行刻字似是造碑者所識

隸續

宋婁機漢隸字源標題曰尉氏令鄭季宣碑中

平三年立名已殘缺季宣字耳碑以飢爲飢死
夜在公之死卽夙字放鵬之鵬與鵬同音鵬鵬
是鳩名基卽棋字縗卽縗字碑陰橫刻篆八字
於上曰尉氏故吏處士人名

見學碑
釋文

顧藹曰鄭季宣碑載洪氏隸續此書流傳絕少
亟齋所未見故止錄今存四十三字趙氏跋語
十九字婁氏字源七字而已今爲錄入以補其
闕但洪氏謂書飢爲飢則失考據按說文飢讀
若載玉篇飢咨代切始也尙書九載績用弗成
晁公古文尙書載作飢字又石鼓文酋車飢道

音訓云飢古文載蓋隸書從凡者皆書作几故
誤以爲飢耳其爲鵠鵠同音鵠鵠是鳩名恐是
用趙簡子放鳩事亦誤也按書古文訓放驩兜
于崇山驩兜作鵠受今碑文放鵠上有虞字其
爲驩字無疑亟齋所錄四十三字以虞爲兵字
迹漫漶亦以意度之耳當從隸續爲是

顧藹曰鄭季宣碑陰亦載洪氏隸續上下凡四
橫今止存一橫故方城長毛良洪氏誤釋爲毛
武故孝下耽字亟齋誤釋爲群元珪誤釋爲元
璣其餘所釋比洪氏多十字蓋洪氏止見拓本

而亟齋得見石刻也

張弼曰按趙氏跋語所載諸句迄今五百年來
碑上俱不可得婁氏注語乃散見各字之下碑
上亦多亾失惜洪氏隸釋未載故無全文以予
癸丑歲先至所見及巳巳歲復來揭時甫十七
年又漫漶數字若不亟爲表識恐剝落殆盡茲
仿洪氏之例就其所存者書之正面得四十三
字見于趙婁者又二十六字因破碎不堪不成
文句并難依原碑行款幸碑陰完好故轉向外
頂有垂虹三條正與曲阜孔宙碑相似其橫刻

篆文八大字一筆不缺圓竅下列人名二十行
亦井井可見乃照依原位詳作釋文得一百字
缺者止少半嘗聞古碑凡存數字者即可寶愛
今所得一百六十九字尤宜珍重又察此碑甚
大可與魯君相等其列名亦必有二三層此所
存祇上一列下半埋入土者應尚有字儻得博
雅君子掘起增搜陞高重立是所厚望焉謹為
叙述引之于前俾閱者先知原委云

五月

原相連者接書各見者隔書

助我壽考之駕畔

侵掠如攸興兵放鵠沙之中神人五十

能惠者也當 亏 之路無 所垂欲子車

息 人 君 堂 賴以上今存者 君字季宣

聘君之孫 年五十有七卒于中平二年以上見趙氏跋

語十 元字 凱 列夜在公 綦 纒以上見婁氏字源者七字重者

不錄共六 十力字

故郡 故孟

尉 關內侯張 故方城長毛良

氏 故孝 故從事 群 堂永康

故 故從事 伯

吏 從事楊光子容 故從事宗昌仲父

處

故五官掾
故五官掾郾郾元

士

故守令呂嵩仲嵩
故守令任

人

故督郵郾郾敬
故督郵郾郾元璣
今司

此名下有今司二小字下缺言
故為督郵今遷官司其事也

名

處士
處士郾郾謙謙直
處士
處士

以上存者二百字缺者照例
計其方位當是四十九字

右題名意止三層是最簡之一例與魯君景君

碑俱不同蓋祇列官秩與姓名及表字三項爾

以上俱學
碑釋文

顧絳曰尉氏令鄭君碑八分書今在濟寧州

儒學祇存數字碑陰列故吏處士人名尚完

文字記

牛運震曰右尉氏令鄭季宣碑并陰高四尺濶三尺厚七寸字徑一寸二分陰字徑一寸二分陰額字徑一寸五分在濟寧州孔子廟戟門東側陽面附牆碑陰西向

金石圖

李楨濟寧學觀漢碑詩崔嵬雉堞啓重關學舍荒涼禮殿閑孔壁已傾塵半掩漢碑猶在字將殘槐庭入夏當簷綠野蘚經春上砌斑鐫石至今餘古意摩娑竟日不知還

鄧汶任城孔子廟觀漢碑歌炎漢貞珉最超卓

屹立聖門欣所托云自民間泥草中輦至宮墻
稱鼎嶽吳下儒生來縱觀摩娑久之還貽愕銳
首圓身製作奇伊昔風規完大朴俎豆尊彝相
與列球圖琬琰共昭灼土花繡碧闕晶瑩神鬼
護持風雨濯我思漢人不可見漢文在茲宛如
昨惜哉漫滅句讀艱龍蛇隱靈虫鳥剥殘鉤剩
畫捐鋒稜篇章舛蝕類雕琢斷續不倫歲月深
以意爲推苦追索東西兩京多鉅裁或者神理
實沈博細泰冥契成言辭精心細維擬厓略岐
陽石鼓旣貿迷之罟詛楚盡踏駁嶧山煨燼祖

龍碑焦先巖下虛瘞鶴惟斯競美良足欽千秋
鴻寶當揚摧

方耕學宮漢碑詩云亡人自漢何年勲閥猶憑
片石傳筆氣空愁摹易損螽痕惟恨讀難全典
型尚幸存庠序陵谷遙應變墓田不朽得無微
藉此爲詢翁仲久茫然

不其令董恢闕

漢故卒其令董君闕

天下碑錄漢童恢墓雙石闕字在任城縣南七
里一云漢故不其令童君一云童恢琅邪人

見隸

釋

洪适曰右不其令董君闕碑錄云濟州任城有童恢墓雙石闕字一云童恢琅邪人一云漢故不其令童君東漢循吏有童恢傳注云謝承書作僮种兩姓異同史氏固有所疑矣初未嘗見此闕遂以董爲童與宗均相類當以碑爲正前書地里志不其屬琅邪注云其音基范史王景傳云八世祖琅邪不其人郡國志東萊郡有不期侯國故屬琅邪恢宰邑有異政爲青州所舉則恢爲令時不其已不隸琅邪矣志作不期誤

也傳云恢字漢宗琅邪姑幕人辟公府除不其
令舉尤異遷丹陽太守暴疾卒其爲令在楊賜
罷相之後則恢蓋靈帝時人也但恢嘗守丹陽
而闕不書者或是如王稚子之類有兩闕而互
見之歟此闕刻一冢冢上三物植立若木葉然
二男子拜于前其後有一婦人二稚子又有六
婦人魚貫于後冢旁有一大樹其下有一馬立
于木下及馬後者各一人馬前有數物如鷄鶩
之狀者

隸釋

碑圖云右不其令董君闕所畫者子孫展墓之

狀有僕馬休于松楸之下所題八字其左復有四
五小字不可辨碑錄所載董君雙石闕于此
蓋其一也其一則云童恢琅邪人隸文董字并
下著童碑錄及范史誤去其并張駒云嘗見不
其令一碑數百言其字大小如防東尉司馬君
碑亦多漫滅者當是彼一闕也

隸續

漢少傅何君碑

不知年

天下碑錄云在任城縣墓下

見隸釋

任城府君頌

不知年

右見鄭氏通志云在濟州

督郵斑碑

督郵諱斑字子翁司吾君少子尚書之小弟下翁闕

稟中和之正氣攬生民之上揅舍仁義之下慎終闕

考追遠尚德乎歸厚敦濟濟集門宇下乘時而苟闕

求甘儒家無闕三從政之得亡下噴意五業遂悉闕

包之握樞運棋要道氏綜百闕貪請闕顯雲光匡

化衛君卓有殊蹤及左國為曹史督郵固下六藝闕

虞精孔流梁字遠而邇以恩又新自同寒苦服麤

下蹈寬大檐然淡亮有似老氏非凡所識賢下可闕

具書衆善之報實謂求壽掌文懷寶道審當下實闕

顏氏遇諸嗟我

我字

吉士與此為疇刑藏

下地

共發

憤猛刊石勒銘傳之方後其辭曰昂昂子翁如珪

如璋樂古耽道思散緯經

下闕

棟梁秕譟

闕

錄仲夏

賈霜隱儀厚土

下闕

靈真身潛名顯旂精大元嗚呼

下闕

見隸釋

洪适曰右督郵碑云諱斑字子翁司吾君之子

尚書君之弟也碑無額故不得其姓石既碎落

故不知其所終司吾者侯國屬下邳碑有與顏

氏為疇之句又有少字小弟之稱銘云仲夏賈

霜必不幸早夭者嘖志五葉嘖當讀為願要道

氏綜氏當讀爲是也

隸釋

膠東令王君廟門斷碑

二

自王氏之先出

闕

季

下闕

九世

闕二

乃復聞聲

下

闕

衆勝邯鄲之圍強

下闕

其爵者曰侯曰王景正

下闕

溺而濡足至孝昭二季

下闕

夏甫舉孝廉正

闕

令

下闕

噲字叔恭博士徵陽

下闕

已後葬于京

師者五世

下闕

陽大守自高平就學

下闕

宗直道

者率困而後

下闕

子勃海府丞次子尚書郎

下闕

茂舉孝廉爲譙令去官

下闕

仇牧之忿奮不頗難

名

下闕

弱弟居荒亂之中

闕

鯨

下闕

爲郡功曹去

官家拜下闕令闕所宰莅馳化如神下闕辰也季

卅有一黃初五下闕

張氏祔先姑仰堂字下闕

上闕念昂足爰建時讎闕五式不上闕魏后實天

所授地發屯闕三如舊上闕周服迄此龍光文好

俎豆武侯鷹揚上闕十朱旗乃舉席卷三闕克成

帝字下闕路闕二逸民闕二逸民匪雕匪琢闕哲

闕二有處顯允君子或默或語上闕光隆前闕伊

漢中葉皇極不建上闕我闕漢闕躬闕車束帛有

璣上闕庶績咸喜咨爾陽闕維上闕亢闕允闕匪

攸居關二王所上關空彛倫攸關冲質關衺炎

中澈上關人關得關六剗克上關有馥其馨關

時上關裁宜關帝庭內營機密關軌關平出上關

赫如關榮身歿名立永塲德關顯上關用關康將

和關門剖符關景上關來世饗

洪适曰右漢故膠東令王君之廟門隸十字爲

額予新獲此全碑其中白紙相去數字許如石

斷裂之狀上段十八行是叙事之文下段少一

行是四字韻語判然非一碑必是二石毀缺好

事者匣而一之藏碑之家隨行翦貼故文意錯

亂不可曉解其所叙有兩人舉孝廉者有一博
士召者有丞勃海者有爲太守爲尚書郎爲譙
令爲郡功曹者其一人名字可辨曰噲字叔恭
下云凡所宰莅馳化如神年四十一黃初中卒
韻語有身歿名立及剖符字蓋謂最後之人張
氏祔于先姑疑其匹也勃海丞尚書郎則其子
也所謂上世有邯鄲之功者秦之王翦也韻云
初云闕二魏后實天所授繼云文好俎豆武侯
鷹揚朱旗乃舉克成帝宇則其人仕於魏初也
中云伊漢中葉皇極不建又云冲質闕祚炎闕

中微又云仇牧之忿奮不顧難則是述其先世
前朝之事也碑云葬于京師者五世所叙既非
一人又載婦姑相祔而以廟門題其額必是昭
穆宗兆者碑雖有景武孝昭冲質之文却有魏
后黃初之字而題額以漢者豈膠東是其祖廟
沒於漢者乎

碑以喜爲熹奮爲奮顧
卽顧字赫卽如赫字

續

婁機曰碑在濟州金石錄以膠東爲膠水雜之
漢刺中隸續云中有魏后實天所授之語豈膠
東是其祖廟沒於漢故題以漢云

漢隸
字源

膠東令王君廟門碑見洪氏隸續不言碑所在

婁氏字源謂在濟州按宋濟州治鉅野亦不知
碑在濟州何處也今濟寧州學舊有漢碑五在
戟門內門之西北大成殿西階下有古樹根空
以片石撐挂與樹相銜不可脫其來久矣鐵橋
李子東琪有金石之癖一日徘徊其下疑此石
有異洗之無所有其內向一面不可見探手辨
之覺有文遂以紙墨摹之得隸書二十餘字稽
之洪氏書知其爲膠東令碑較隸續所載叙其
世系有葬于京師者五世及太守自高平就學
之語按高平故治在今鉅野金鄉之用與任城

爲唇齒豈太守以前居京師以後居高平而廟
因在任城耶婁氏云碑在濟州者以任城爲州
屬邑而統稱之耶抑本在鉅野而移於此耶不
可考矣鐵橋之尊人浩齋名鯢字化鵬金
石圖誤鯢爲鵬雍正
六年得鄭固碑缺石於泮池中郃陽褚千峯金
石經眼錄載其事牛空山金石圖亦云鐵橋好
古善隸能繼家學復得此片石爲承歡之助士
林中傳爲美談康熙時淮陰張力臣曾撰濟州
學碑釋文而未見此石續而釋之自在我鐵橋
矣

乾隆乙未夏四月秀水盛百二跋楠堂文集

右碑在明倫堂東北隅壁間

魏范式碑青龍三年○乾隆戊戌新出詳後補遺

君諱式字關八功存有夏竇曰御龍關匪商周世

略其隆晉主夏盟有士會者光演宏謨翼崇霸業

錫邑命族關為范氏則其後也君稟靈醇之茂度

體元亮之殊高徽采懿恭明允篤恕九德靡與百

行淵俯宏道耽藝恢韜墳藉探嘖研幾罟深不入

若乃立德隆禮樹節寶真志諒足以弭國薦友足

以輔仁用能昭其洪懿聲充宇甸接華卉於汝墳

潤枯斃於荆漢超管鮑之遐蹤信靈評乎炳煥是

以

闕化泉流芳

闕

鴻奮耀仁闡於權與濟俗侔乎

皇訓羣公偉焉弓旌盈路再讓孝

闕二

三府舉高

第侍御史拜兖州刺史糾剔瑕慝六教允施翰飛

肅於鷹揚興荆

闕二

軌

闕帝

闕

其勲遷廬江太守

擬泰和以陶化昭八則以隆治彌

闕

宏略惠訓亡

倦

闕二

協

闕三

齊

闕二

清源之深閤寶疏氏之至

順以疾告辭韜光潛耀詠琴詩以寧

闕九

其猶充

洽外內實紹德之奧藪而義民之淵表也未亮三

事

闕三

終

闕六

常山相暨子汜孫而胤嗣罔繼粵

青龍三年正月丙戌縣長汝南薛

闕七

感靈壇之

不饗思隆懿模以紹奕世乃與縣之碩儒咨典謨

之中

闕

同宗

闕三

之胃昭告祖考俾守厥祀本支

著宣融之祚人神協休茂之慶焉禮也於是鄉

闕二

字上計掾翟循州部泰山從事史翟邵等僉以爲

君雖輝名載藉光颺前列而靈墳止

闕

儀問靡述

遂相與略依舊傳昭撰景行刊銘樹墓以聲百世

其辭曰

闕

於昭上德實唐之胄誕表靈和踊規履信窮神周

覽祔道之訓邁德徽猶鴻漸

闕

舊穢彼夸毗寶此

醇懿以文會友以仁翼闕敷化濟殖羣生以遂永

言孝思民之攸暨如何昊天不信其軌明德不報

尚肥亡紀爰輯訓典詢爾髦士育茲闕隸以永遐

祉詒厥孫謀耀于萬祀見隸釋

金鄉有范巨卿冢名件猶存水經注

歐陽棐曰范式碑隸書不著書撰人名氏文字

斷缺其字及鄉里皆不可見魏青龍三年縣長

薛名缺爲之立廟建碑在金鄉集古錄目

趙明誠曰右范式碑法書要錄云蔡邕書今以

碑考之乃魏青龍三年立非邕書也金石錄

天下碑錄漢廬江太守范式碑在濟州任城縣

西南四十里大頂山南

見隸釋

按大頂山今在嘉祥

洪适曰右故廬江太守范府君之碑篆額在濟州任城魏明帝青龍三年縣長薛君鄉人翟循等所立范君名式字巨卿山陽金鄉人仕漢至廬江太守傳書張邵陳平子孔嵩三事甚詳至治郡則云有威名而已此碑辭勝而事寡雖曰略依舊傳昭撰景行但云篤友足以輔仁超管鮑之遐蹤爾未足以光颺盛德也傳云爲荊州

刺史而碑作冀州以新野之事證之則碑誤也
此碑雖不及延康黃初四刻在魏隸它碑中可
取耳唐李嗣正作書後品乃云蔡公諸體惟范
巨卿碑風華艷麗古今冠絕甚矣藻鑒之繆也

噴卽頤字

隸

釋

碑目云范式碑在州治內蔡邕書

見天下
各勝志

范式墓在嘉祥縣南二十五里一統志云墓碑

移置濟寧州學

陸通
志

曹曰瑚云漢廬江太守范式墓碑濟寧州學今

無

名碑總目 曰瑚嘉興
人朱竹垞先生弟子

古蹟

隋大業磚刻

右近出濟州北鄉土中有大隋大業三年遵德鄉故人郭雲銘凡十四字

唐任城令元府君清德頌

調露二年二月

八分書無書撰人姓名

見金石錄

任城尉韋公惠愛記

乾元二年五月

苗藏緒撰正書無姓名

同上

大唐贈東平郡太守

闕二

府君神道之碑

右碑在城北三十里耿務村南官道旁甚高厚斷爲三段篆額四行十六字字徑二寸許

碑文八分書字徑寸許磨滅不可識僅隱隱見數人字而已

橋亭記

開元二十六年

將仕郎守尉游芳纂文朝散郎行尉華容縣開國男瑯琊王子言書

唐再受命能事備於開元乃十有三年告成於岱

原空四格

翠華之徃也則北巡濟河

空四格

王

軼之旋也則南指陳宋故

空三格

行宮御路次夫

任城焉陽門橋者跨泗之別流當魯之要術初隨時以旣濟因

大駕而改功觀其壅川為池因地設險削金堰於

空三格

馳道甃石門以飛橋夾以朱欄揭以華表

炳若星漢拖如虹蜺蓋

空十格

築輿乃呂陽朝御六龍翊萬騎聲明紀律文物比

象廻

空四格

睿覽於洲渚駐

空七格

天蹕於川梁先時望

擡起則不論字之多少

君之來也則金繩以界之鐵鎖以扃之厥後榮

空

七格

君之顧也則浚池以廣之築館以

旌之經始茲宇惠而不費當儲峙之末有芻粟之

餘散之則人

原落人字今叙人

獲壹錢鳩之則動以千計

請爲亭館以壯橋池故鄉耆老白於吏邑吏謀於
府因人之欲得事之宜磬鼓不勝工力徒競鬱爲
層構在水之陽壓鮮原以迥出流古壩而却倚危
欄巘反宇峨二勢搖煙潭岌若飛動南軒虛明
以晃朗北室懿潯而清泠自堂徂亭邈迤幽徑上
覆藤篠前臨芰荷憑高佇目萬象皆見夫河南之
勝有三橋亭得其一梁園有梁王之迹圃田有僕
射之陂平池曲榭美則美矣豈與夫島嶼開合林
嶂蔽虧滂薄大荒吐納霞景畫橋南度像清洛之
規虛館肇臨叶滄洲之趣有是夫有是夫任風姓

之國也謠俗古遠其太昊氏之遺人富而教之合
於魯頌當

太平無事而朝野多歡不然者此池何以得花縣
之名吾寮何以得仙舟之目不其粹而時則有若
邑大夫滎陽鄭公延葉信昭盈缶道契虛舟禮
樂之行仁德歸厚 丞范陽盧瓚 主簿平昌孟
景 尉瑯琊王子言 尉河東裴迥皆士林英華
學府金碧能勤在公之節無廢會及之文嘗授簡
於芳以爲之記會芳有公車之召請俟於異時金
鄉尉潁川韓邠卿舍於裴氏言於衆曰游子之護

斯文以諸公在此諸公之意也子何辭焉因命秉
燭俾芳操翰夜而成記翌日遂行開元廿六年秋
七月旬有四日云

大唐開元廿有六年閏八月五日建
通直郎行方與縣尉王日雲篆額

亟齊張昭曰右橋亭記游芳誤文王子言隸書
王日雲篆額任城縣橋亭記六字開元廿有六
年閏八月立乃唐碑之佳者趙氏金石錄載之
予兩次撫搨附作釋文碑內軼音副藥音乘呂
卽以反字卽坂字廿音入俗讀念非至於空格

多寡皆指君上及服御之類差等也可知唐時
書碑之規制溯自開元至今已及千年雖幸未
損亦漸漫溷當移列門下以蔽風雨庶不至剝
落焉

右碑在泮池東列第一

高乾式爲亡考妣造像碑

天寶十三載

右碑在城北興文鎮佛寺內

按碑中爲佛像文凸起右行云維天寶十三
載歲次甲午十一月壬戌朔二十四日建立
左行云心主高乾式爲亡考妣敬造神碑一

所上爲國王下及師僧父母七世先亡見存
眷屬同登正覺五十餘字其餘人名甚多佛
像下皆刻小兒形亦凸起而無首聞碑向在
滄池中居人每見羣兒戲月下逐之並入水
竭其池得碑移入寺又見羣兒從寺門出遂
琢其首怪乃絕

唐六稜碑

寶歷二年

右碑在普照寺

壯觀二字石刻

李白書

右壯觀二字在太白樓下乾隆甲申大修泥
於壁內樓下正間北壁坎內按金鄉縣學徐州放鶴亭
皆有石刻云鈞摹於此者

宋八分字碑

未詳年

右宋碑在張家橋東程家樓莊三十年前人
猶及見大半入土中今使人訪之不可踪跡
物之隱見有時姑志之以俟來者

金宏法寺重修戒牒碑

大定六年

任城主簿閻時升記

濟州學壁石刻詩

明昌六年

荆公王安石作 竹溪党懷英書

烏石岡邊繚繞山柴荆細路水雲間拈花嚼蘂常

來往只有春風似我閑

鳥石

紅梨無葉茈花身黃菊分香委路塵歲晚蒼官才

自保日高青女尚橫陳

紅梨

萬事悠悠心自知強顏於世轉參差移牀獨向西

風裏臥看蜘蛛結網絲

省中

松篁不動翠相重日射流塵四散紅地上行人愁

暍死那知高處有清風

興國樓上作

竹溪党懷英篆書石版金明昌六年四月旦日

普照寺沙門智照立石今移砌學門兩壁各二

舊志

和濟州學壁石刻詩韻四章

有張昭字力臣
山陽人

濟州學壁四石各刻七言絕句前注竹溪黨懷

英書乃王荊公集內詩刻本具載因用古篆法

人不盡識遂溷稱為竹溪堂詩非也昔李太白

隱泰山下居竹溪六逸堂党即泰安人故書其

地名按党字世傑為金明昌時翰林修撰博學

工篆隸此屬其偶書王詩未及原題并署名字

初為普照寺僧立石更不知何時移來遞傳莫

辨耳予以巳巳閏三月同阜城多子玉巖過此
乃詳釋以告于子介菴陳子柏臺歸舟各和原
韻又簡家弟毅文同和并書附之

舟居讀罷約登山旋訪名詩石壁間尋繹籀文
同屬和勞勞自笑不曾閑

何期復出倦遊身幸過滄浪一條塵意外更逢

東海士攜持珍味雜然陳

登州于子介菴設具見餉

前探名碑似舊知嚴寒逼我遽參差茲來坐臥

連終日十七年間鬢已絲

前以癸丑過此

酒樓遙望綠陰重下瞰南池芍藥紅轉賴後人

頻點染幽尋隨處寓高風

是日并登太白酒樓下遊南池

和前韻

多時珍

字玉巖阜城人

喬木陰森似在山古碑片片立其間撫摩讀遍
蒼虬字好月迎人歸路閑

一舟羈泊不由身歛迹尋幽欲避塵尤喜同人

搜訪密縱橫楮墨案邊陳

時至齋搜揚漢隸碑

春去今宵了未知只疑花雨落參差無聊坦步

溪深處戲看邨童弄釣絲

雲影陰陰柳影重新荷纔放石榴紅睠懷樓榭

今何在佳詠依然見素風

和前韻

張鴻烈字毅文
檢討

牡丹時候到符山

兄園堂名

遙憶遊踪濟水間兄字

王詩摹且和誰人好古似兄閑

自笑飄蓬五嶽身桃花深處絕風塵著書取擬

龍門史一任兒童笑在陳

金石遺文世罕知漏痕釵腳盡參差秦碑無字

君須補不羨尋常好色絲

阜城東北翠微重馬首誰憐夕照紅魚鱗可知

袁浦足芙蓉秋月薜蘿風

袁公路昔駐節淮口故名袁浦兄之園亭

在焉

濟寧直隸州志 卷之十
是文乃先生所珍重者余幸獲二冊不敢自私
今傳之濟庠廣諸同人使古蹟重新耳目庶不
負先生相託之意同志者幸勿視爲故紙棄之
可也時康熙歲次辛未季春望後九日之杲于
子湏介菴氏識於濟水旅邸

濟州學碑釋文叙東漢隸書碑版皆出名公巨
卿之手如蔡中郎鍾太傅而下例不著書譌人
姓氏流傳千古不獨奉爲文字之典型并可補
史傳之不足而正其譌誤也惜今世所存寥寥
惟有曲阜廟門與濟州學舍各立數通爲海內

罕覲者予家淮陰幼承庭訓捧觀舊藏搨本輒
蚤夜臨摹強仕後徧歷五夜入秦晉巴蜀聞古
碑則必力求亦嘗探險僻披荆榛所見僅得一
二終不能過是至癸丑歲同東吳顧亭林先生
出都恭謁闕里旣搨諸碑便經濟州又各得數
紙倏以嚴寒遄歸嗣是冉冉至老偃息家園凡
十七載已巳春閏阜城多子玉巖固邀北行犧
舟南池之岸先尋吾鄉馬子素菴旋攜兩兒一
孫急訪諸碑相與槃桓三日幸值風景清飃古
栢交蔭予以皤然一老撫摩審視督施搨具不

禁大笑稱快焉時司鐸兩先生以從衡文在郡
適晤于子介菴陳子栢臺晨夕周旋授粲誠意
外之契合因向予曰我輩嘗憾諸碑漸次漫漶
子其釋之叙之欲專刻一冊爲吾庠世寶竝作
藝文志之冠冕予唯唯而別仲夏抵阜淹留三
秋命家兒以洪氏隸釋郵至初冬入都更搜諸
書攷訂纂成一卷以漢碑五通居前以唐橋亭
記次之以党書王詩并和韻附之按此漢碑釋
文雖本之洪氏但叅以愚意者有二其一爲洪
本皆用隸體若以隸釋隸終屬蒙昧今悉用楷

法庶一見了然其一爲洪本移碑行以就書格
遂損去缺字無從稽察今各依本碑字數使原
行相對可推測互見卽隨各式刊刻書本亦不
爲大則尋丈之全碑歛歸咫尺仍還具體乃倣
古之良法非敢私意造創曾質之朱竹垞太史
亟以爲是贊而成之庚午春仲緘書以寄二子
二子必喜予之旣踐前言同持展視以就諸碑
對較斯楚楚可讀復廣之四方使盡人可讀則
東漢以來之法物煥然重新耳目而濟庠諸君
表彰之功恒與金石竝坐不朽矣亟齋迂叟張

弢力臣氏譔并書

吾家亭林先生嘗作廣師一篇云精心六書信而好古吾不如張力臣然其著述不少概見今覩是編始信斯語潘恬菴先生欲刻而傳之使讀碑者有所考證郵至京師求余校勘惜洪氏隸續未經載入爲補其闕九原可作知亦稱快也康熙庚寅三月南原居士顧藹識

予弱冠從先兄存齋於吾州學宮見漢碑之陰有淮陰張力臣題名墨蹟先兄指以眎余曰好古君子今人中不易得也後康熙己丑春於孫

德輿案頭見力臣手書釋文一冊得之如獲拱
璧恐其湮沒欲刻而傳之特郵囑南原先生精
爲校定以補其闕正其訛癸巳余承乏天長南
原亦司鐸儀真距僅百里相會輒津津道及閱
五年始克付梓人深幸此書之傳而獨以先兄
之不獲見爲可痛也康熙戊戌七月濟寧恬菴
潘兆遴跋

開堂疏碑

明昌六年

党懷英隸書

照公禪師塔銘

明昌七年

趙渢銘 党懷英隸書

右碑在普照寺

大金濟州任城縣李氏塋碑 明昌六年

鄉貢進士黃晦之撰 潁川陳度書丹 贈大

中大夫前知汝州軍事輕車都尉號略郡開國

伯食邑七百戶賜紫金魚袋致仕楊師復篆額

右碑在小郝村今名嘯河誤也碑尚完好

金故贈中順大夫贈濟州刺史李演碑 貞祐四年

勇而易發此强悍者之喜爲也然臨難畏死者有之柔而不武此仁賢者之常行也然見義捐生者

有之蓋人之忠節皆先出乎取舍之明不在乎辭
氣之剛與柔也平居之時從容自得至於行義之
美孰不有是言哉負勢而直往肆忿而輕死直恃
勇也倉卒之變利害動撓保身毀節向之剛猛皆
血氣所使安足恃哉其有天資純固涵養精熟煦
然常有溫粹之容低首歛氣退然似不足不幸而
與禍會則明誠審決義不內顧雖狂鋒虐焰樂爲
之就是豈前弱後勇哉惟其所蓄之深有激則奮
必將絕世驚俗凜然爲天下之英烈是可重也然
則節義者士之所素學以爲名教大法豈若世間

淺淺之徒但苟合偷生者即其爲有國家者之旌
賞也宜矣粵貞祐之初兵久不解賊騎南下攻圍
係戮肆毒侵淫二年正月至於濟郡人李演以前
應奉翰林文字墨衰居此因之率其兵爲備禦三
日賊不能得併召其黨大年於城下勢不敵城陷
公被執彼固疑其衣冠也曰若非李應奉乎蓋賊
中素聞其名意欲得而使之公承問曰然賊使之
踞曰大官可得也公曰我進士第一人重有祿位
汝何禽畜吾豈爲汝使哉賊忿擊其脛碎之終不
屈繼加以刃至死猶罵云嗚呼懿哉是其仁者之

真勇歟已而賊退朝廷遣使宣撫山東廉其實奏
請加贈上意矜恤襁以濟州刺史之章仍令勒碑
致祭淵乎聖慮其知所先務矣時平亂定在曉人
以順逆之理而起其忠義之氣今賞典首及死節
之士其於驅策將士深得其鼓舞之術也臣禧承
命拜手爲之銘曰君子所守維義之爲威武不屈
死生不移世教舉此以爲常理此而不知安足爲
士英英李公初以文稱循常謹慎衆未謂能孰知
其中慨有事在志吞萬兵氣蓋四海狡雛雖鷺甚
玩而輕姦鐵雖憎視之猶生高節終完素心不愧

聖王嘉賞忠魂猶慰鉅野茫茫黃流湯湯樹碑其側名與之長

崔禧記 趙秉文正書 潘希孟篆額

右碑在學宮泮池東第三西向

李白酒樓四面碑 至元三十年癸巳

唐沈光記 元揚桓小篆 楊從手不從木

右碑在太白樓後

按碑爲小篆漁洋秦蜀驛程記謂爲大篆當是記憶之誤

濟州郡侯冀德方重建大成殿碑 至元三十年

李謙記 揚桓隸書

右碑在泮池東第二西向舊臥地乾隆丁酉

冬重立

郭景仁濟州修學後碑

元貞二年

李謙記 揚桓篆額 耶律有尚正書

右碑在泮池東第四

知州李宗武建尊經閣碑

大德三年

陳儼記 揚桓正書並篆

右碑在尊經閣前西第二東向

任城二賢堂碑

延祐三年

曹元用記 張楷書 任城馬玉王瑞立石

右碑在太白樓

大德十一年加封至聖文宣王制詞并記碑

延祐七年

曹元用記并書

詞出高堂閣復手

輔惟良篆

右碑在戟門前東南向

達魯花赤万脫脫木兒從祀繪壙碑

皇慶元年

陳儼記 趙璧正書

右碑在泮池東次第五西向

知州張仲仁修學碑

元統三年

濮陽辛明遠記並書

右碑在明倫堂前東階第二

知州僕朝吾重修尊經閣碑 至元三年

睂山王宜振記 尙甘澍書 張起巖篆

右碑在尊經閣前西第一

二賢祠碑 至正三年

汪澤民記

右碑在太白樓

知州蔡思中重繪賢像碑 至正四年

學正孔克亮記 訓導馬驥直學宋 闕 等立石

右碑在泮池西第四

濟寧路總管王德修重修學碑 至正十三年

衍聖公孔克堅記 劉謙書 胡祖廣篆

右碑在泮池西第二

濟寧路達魯花赤昇嘉納修學碑 至正二十四年

衍聖公孔希學記 艾伯謙書 史銓篆

右碑在泮池西第一

明方克勤重建西齋記 洪武八年

夏侯霽記 律啓原書

右碑在明倫堂東北隅壁內第三南向

行軍司馬勅碑 永樂十八年
今無

太白樓下有永樂十八年正月二十日勅行軍
司馬樊敬往守濟寧撫操十萬壯士指揮以下
除授總兵官亦聽調違令斬首行軍司馬其重

如此

歸震
川集

知州蔣資修學碑

宣德六年

魯府伴讀莆田黃謙記

楊翊書

蘇黃采篆

右碑在明倫堂前西二列第二

知州王敵創建文昌祠碑

宣德八年

宋拯時舉撰

楊翊書

右碑在祠前東

漢灌嬰墓碑 正統六年

單邑王舜耕文

右碑在城東三十里詳墳墓

知州陳亮修學碑 正統六年辛酉

寧陽許彬記 王彥成書 孔彥縉篆

右碑在明倫堂前西第二列第一

知州王彥成重修文昌祠碑 正統十年

孔彥縉撰 裴侃書 劉獅篆

右碑在祠前西

知州傅霖重修大成殿碑 正統十三年
碑陰有大成殿上梁文

長樂陳瑄記 趙輔書 狄璣篆

右碑在殿前東第二

永通河牕碑 成化十一年乙未

商輅記 俞欽書 蔣琬篆額

右碑在耐牢坡

進士題名碑 成化十三年

知州孫蕃立 劉珣撰 錢溥書 楊浩篆

右碑在明倫堂前東一列第二

勉諸生詩碑 成化十三年

提學按察司僉事畢瑜

右碑在明倫堂西北隅第二

去思碑

成化二十二年丙午

盧瀚撰 李鎧書 李懸篆

右碑在明倫堂前西二列第三

工部主事莫驄修學碑

宏治二年

莫驄記并書 衍聖公孔宏泰篆

右碑在明倫堂前西一列第一

次韻勉諸生詩

宏治五年

提學按察司副使沈鍾

右碑在明倫堂西北隅第三

蘭谷

門箴

右舊在大成殿前乾隆丁酉修學改爲杏壇
石欄按舊志王通傳通號蘭谷有蘭谷集明
初人今見文苑未知是否又宏治初鄭文炳有蘭
谷論當爲此而作然徒論蘭而已無關考據
故不錄

老人星圖碑

宏治十一年

題跋云余家藏老人星圖滇南湛然道人之筆
昔從先君子宦遊貴竹時所得於今五十餘年

矣近聞道人近百歲畫品益入妙如斯圖已自
奇絕不凡因伐石刻之與四方君子共焉抑以
幸同躋壽域云宏治十一年春正月初吉勅封
承德郎南京吏部文選清吏司主事前 宣聖

廟司樂八十翁濟

闕三識字

右碑高二尺寬八尺在城東高廟蘇莊雙忠
祠簷下雙廟者灌嬰及壽亭侯也灌塚卽在
其旁數武有宣德年碑爲貴州叅議李睿立
睿之孫承祖曾官吏部主事細玩跋語當卽
吏部之父又王春傳有與李司樂劉長葛共

修耆英會之語蓋卽其人惜其名不可考矣

遊太白樓記

正德十五年

巡按御史瑞陽熊相撰

右碑在太白樓

五帝三王周公孔子四配贊碑

嘉靖二年

巡撫廬陵陳鳳梧贊

右碑在戟門前西南向

知州張寔建名宦鄉賢祠碑

嘉靖二年

帖文

右碑舊在崇聖祠前今在香壇東

方正學先生神位 記一通 嘉靖四年

右二碑在文昌祠

明世宗御製敬一箴碑 嘉靖五年

明世宗御書四箴及心箴石刻五 嘉靖七年

經筵講章石刻五 嘉靖七年

右舊在敬一亭內今移入尊經閣內壁間

劉天和治河始末碑 嘉靖十四年

邵元吉記

右碑在南池南涯今無 庚寅年猶在

總河李如圭修學碑 嘉靖十六年丁酉

劉澤記 莆田王俊書 郡人孟易篆

右碑在大成殿前西第二

總河于湛建啓聖祠碑

嘉靖十七年戊戌

莆田王俊記 靳學顏書 呼相儒篆

右碑舊在祠前今在杏壇前西第一

總理河道題名碑

嘉靖十七年○碑陰有隆慶時翁大立隸書四思堂箴詳官署

總河于湛記

右在河院署大堂之左按記云碑在東亭不知何時移此又據潘公季馴云陳平江以未爲河督碑無名氏今碑有之恐非原刻矣

龍頭二字并說碑

嘉靖十九年庚子

真吾子撰

海嶠山人書

梧岡山人立石

右碑在戟門前西東向

總河周用簷瀚建龍章閣碑

嘉靖二十四年

鄆城樊維祖記

右碑舊在崇聖祠前今在杏壇前東

總河簷瀚建諸生肄舍碑

嘉靖二十六年

郎中王九思記

馮熊書

吳崇文篆

右碑舊在崇聖祠前今在杏壇前西第二

太白傳

嘉靖三十一年壬子

方元煥草書

右碑在太白樓

公舉崔雲鶴入鄉賢祠碑

嘉靖二十五年

帖文

右碑舊在崇聖祠前今在杏壇西

總河王士翹修尊經閣碑

嘉靖四十二年

靳學顏記 于錦書 楊賢篆

右碑在尊經閣前東第二

總河王士翹修學碑

嘉靖四十三年

浮梁金達記 靳學顏書 楊賢篆

右碑在尊經閣前東第一

遺愛堂碑

嘉靖四十四年

鄭真記

右碑在明倫堂西爲晉龐玉公士翹椿岡陳

公堯作

今移報功祠下

玉皇閣東鄭敬齋郡伯詩石刻

或云敬齋卽鄭真未知然否

滿地黃花秋景叢小溪清淺月明中纔離帝子

金銀闕又入仙人紫翠宮所遇皆爲同氣友無

行不是舊游踪神江萬里空驚目羽化何年可

御風 孟河一龍書

右在石佛寺

馬一龍字負圖號孟河溧陽人嘉靖丁未進士

南京國子監司業書史會要云一龍作字懸腕

運肘落筆如飛自謂懷素後一人然評者謂其

奇怪爲書法一大變

書畫譜

總河翁大立修學碑

隆慶四年

鄭真記

靳學顏書

楊賢篆

右碑在明倫堂前

玉皇閣平江伯祠碑

萬歷五年丁丑

應天府尹程嗣功記

禮部祠祭司郎中闕成

章書丹 工部主事分司佘毅中篆額 藩府

典儀程良清立石

按玉皇閣在今龍神廟西三官廟後本名三元宮內有嘉靖四十五年三元宮碑又有隆

慶辛未水府三官廟碑

知州宋祉修學碑

萬歷十三年

學正留敬臣記并書

右碑在泮池西第三

濟寧道高尚志修學碑

萬歷十五年丁亥

于若瀛記

右碑在明倫堂前

重立總督河道題名碑

萬歷十八年庚寅

總河潘季馴記 新安羅文瑞書

右在河院署大堂之西又東壁間有黃河圖

載潘公說吳下章草刻石未詳年

魁字碑

萬歷二十五年

王時泰書并贊碑陰有王文翰指南二字

知州萬民命立石

右碑在大成殿後北向

知州劉嗣傳修學碑

萬歷三十五年

于若瀛記 文星高書

右碑在大成殿前東第一

總河曹時聘修學德政碑 萬歷三十五年

于若瀛記

右碑在戟門外西階下南向

知州唐世柱修學碑 萬歷四十二年

楊洵記 廩生楊聲遠書

右碑在大成殿前西第一

總河楊方興修學碑 順治五年

任有鑑記

右碑在戟門外東階下南向

重修學記

順治九年

舉人鄭與僑任孔昭生員楊仲陳辰法房曰梧
楊蘇林鄭師尹楊再震修

右碑在明倫堂前

書院石坊

康熙九年

胡若琦及子餘祿立其書院今爲青華洞石坊
書院二字頗有筆法今委於義學內

總河靳輔修學記

康熙十九年

靳輔記 周金然書并篆

右碑在尊經閣前東第三

講德書院碑

康熙二十年

王天眷記

右在學校報功祠良隅又有兵河道葉方恒
運河同知任璣協修學宮小記石刻在左右

壁中

大成會碑

康熙二十五年

右碑在杏壇內東壁間

補修西廡東垣泮池橋記

康熙三十年

知州姚永煦撰

學正蘇學軾書

訓導郭元

樞篆

右碑在泮池西第五

重立總督河道題名碑 康熙三十一年

總河靳輔記

右碑在河院署大堂之左

四忠祠碑 康熙四十八年

祀徐標李燭任民育楊佩州人潘兆遴記

右碑在學宮祠內 今移忠義祠下

忠義孝弟節孝碑 雍正三年

右碑在學西舊忠義孝弟祠前 今在節孝祠下

同愛堂太上感應篇石刻 雍正十二年

劉汶泥金書予柏摹勒上石

右石在劉氏

石刻趙子昂摹杜少陵像 乾隆十三年

巡漕御史仁和沈廷芳勒石

右石在南池少陵祠內東壁

漢平狄將軍淮揚朱鮪墓石廟畫象

石室壁上鐫人物衣冠罍缶甑竈之類或負攜

掬摳之狀沈括夢溪筆談云今之衣冠非古朱

鮪石堂所刻衣冠真漢制也

金鄉縣志

朱鮪淮陽人王莽地皇三年與王匡等起兵比
入南陽號新市兵皆自稱將軍更始立以鮪爲
大司馬入長安封爲膠東王鮪以爲非劉宗不
受封乃徙爲左大司馬與李通王常等鎮撫關
東與赤眉戰敗光武卽位鮪以伯升被害時預
其謀又諫更始無遣蕭王北征遂堅守洛陽不
肯降初岑彭爲朱鮪校尉從擊王莽揚州牧李
聖殺之定淮陽鮪薦彭爲淮陽都尉至是帝令
彭說之鮪乃降拜平狄將軍封扶溝侯後爲少

府傳封累世

據後漢書

右石室在金鄉縣城西三里

石室水經作石廟

兗州刺史班孟堅德政碑

建和十年○按水經注三碑當在鉅野縣界

金鄉長侯成碑

建寧二年

君諱成字伯盛山陽防東人也其先出自幽岐周文之後封于鄭鄭共仲賜氏曰侯厥裔宣多以功佐國要盟齊魯嘉會自邠因以爲家焉漢之興也侯公納英濟太上皇于鴻溝之阨謚曰安國君曾孫酺封明統侯光武中興元孫霸爲臨淮太守擁兵從光武平定天下轉拜執法右剡姦五威司命大司徒公封於陵侯枝葉繁茂

或家河洧或邑山濟君則上黨太守之弟幼履
慈孝之德長執忠謇之操治春秋經博綜書傳
以典籍教授滋滋履真安貧樂道忽于時榮敬
上接下溫故知新翹節建志冠于羣倫孝友內
著仁義外宣郡請置主簿督郵五官掾功曹守
金鄉長卽家假印綬君介心如石不易其志刺
史嘉其高名辟部東平泰山治中從事君獻精
謙虛委蛇衡門以禮盤桓名德可尊行顯身隱
縣輿養神聖人制命曰仁常存今胡不然喪此
國偉君年八十一建寧二年歲在巳酉四月二

日癸酉遭疾而卒嗚呼哀哉於是遐邇士庶祈
祈來庭集會如雲號哭發哀泣涕汎瀾將去白
日歸彼元陰同盟必至縞素填街存有顯名終
有遺勲魂如有靈嘉斯寵榮於是儒林衆雋惟
想形景乃樹立銘石以揚淑美其辭曰於穆君
德姿履正平乾皇所挺應符如生耽藝樂術恬
忽世榮虛位禮請介然不傾壽非南山不俟河
清梁木圯頽鴻儀摧零昆嗣切剝哀慟感情乃
銘乃勒億載永寧

按曝書亭集跋碑末尚有
夫人延熹七年疾終數字

兗州刺史茂陵楊叔恭碑

建寧四年

或家河洧或邑山濟君則上黨太守之弟幼履
慈孝之德長執忠謇之操治春秋經博綜書傳
以典籍教授滋滋履真安貧樂道忽于時榮敬
上接下溫故知新翹節建志冠于羣倫孝友內
著仁義外宣郡請置主簿督郵五官掾功曹守
金鄉長卽家假印綬君介心如石不易其志刺
史嘉其高名辟部東平泰山治中從事君獻精
謙虛委蛇衡門以禮盤桓名德可尊行顯身隱
縣輿養神聖人制命曰仁常存今胡不然喪此
國偉君年八十一建寧二年歲在巳酉四月二

日癸酉遭疾而卒嗚呼哀哉於是遐邇士庶祈
祈來庭集會如雲號哭發哀泣涕汎瀾將去白
日歸彼元陰同盟必至縞素填街存有顯名終
有遺勲魂如有靈嘉斯寵榮於是儒林衆雋惟
想形景乃樹立銘石以揚淑美其辭曰於穆君
德姿履正平乾皇所挺應符如生耽藝樂術恬
忽世榮虛位禮請介然不傾壽非南山不俟河
清梁木圯頽鴻儀摧零昆嗣切剝哀慟感情乃
銘乃勒億載永寧

按曝書亭集跋碑末尚有
夫人延熹七年疾終數字

兗州刺史茂陵楊叔恭碑

建寧四年

兗州刺史河東薛季像碑

熹平伍年

高平郡後漢沅州刺史治大城東北有金城城
內有兗州刺史河東薛季像碑以郎中拜剡令
甘露降園熹平四年遷州明年甘露復降殿前
樹從事馮巡主事華操等相與褒樹表勒棠政
次西有兗州刺史茂陵楊叔恭碑從事孫光等
以建寧四年立西北有東泰山成人班孟堅碑
建和十年尚書右丞拜兗州刺史從事秦潤等
刻石頌德咸列焉

水經注

古司馬城鐵碑隸書在金鄉縣東南四十里漢浮

陽侯司馬耀所封也

天下碑目

魏太尉滿寵碑隸書在金鄉縣墓前

全上

晉金鄉長薛君頌碑在縣東今無

縣志

趙明誠曰右薛君碑在今濟州金鄉縣其額題

故金鄉長汝南薛君之頌云

君

諱詣字公謀其

他文字皆完好驗其辭蓋縣長德政頌爾雖無

建立年月而有吳冠未

下闕一字

耀威海隅之語知

爲晉碑也

金石錄

唐于志寧草書庾子山枯樹賦石刻

舊在儒學內成化某年知縣盛德修學得之土

中僅存其歌及唐貞觀四年燕國公書九字全
無

唐贈歙州刺史葉慧明碑

開元五年

趙明誠曰唐贈歙州刺史葉慧明碑韓擇木撰

并八分書開元五年七月

金石錄

顧絳曰唐贈歙州刺史葉慧明碑江夏李□□

國子監太學生□□□八分書開元五年七月

今在金鄉縣此爲葉法善之父本傳法善括州

括蒼人三世爲道士皆有攝養占卜之術高宗

聞法善名徵詣京師法善自高宗則天中宗殆

五十年嘗往來名山數詔入禁中盡禮問道然排擠佛法議者或譏其向背以其術高終莫之測也睿宗卽位稱法善有冥助之功先天二年拜鴻臚卿封越國公仍舊稱爲道士止于京師之景龍觀又贈其父爲歙州刺史年一百七歲

卒

金石文
字記

其敘葉氏云聃季食沈子高封葉則葉當式涉反今人讀爲枝葉之葉者非也

全上

又其文曰情隋地深字當作隨而省爲隋

全上

王澍曰按慧明葉法善之父法善三世爲道士

有攝養占卜之術睿宗卽位稱法善有冥助之
功拜法善鴻臚卿封越國公又贈其父爲歙州
刺史碑所謂有開必先大啓聖猷者是也撰文
書碑名字俱泐隸法清瘦頗類御史臺精舍碑
不合東漢筆法然僕之所惡于今之爲隸者正
以不得漢人風骨徒以襲其形貌耳此碑風骨
爽勁正喜其于漢人之外別樹赤幟何必公担
沿襲千手一同字

竹雲
題跋

趙德甫金石錄第五卷目葉慧明碑下注韓擇
木撰并八分書今此碑分書頗類擇木然前欸

撰文者載江夏李□□碑書載國子監太學生
明是兩人非出一手又江夏李三字尚存決知
非韓所撰書碑名姓俱泐然德甫旣誤以兩人
爲一又焉知所謂韓擇木者不亦爲一時率爾
誤書者乎

全上

唐有道先生葉公碑李邕書在縣治內今無

縣志

按當是李邕撰文縣志誤以爲李邕書也邕
江都人而工部八哀詩稱江夏

壯觀碑

在儒學明倫堂前唐李自在任城所書碑元至

正初永豐里人馮氏得此石于浦中置以爲家
寶元末仆于草萊明天台邵公移置學宮

指南碑于夏山人王文翰書

宣聖廟碑宋大觀元年隴西李浩書胡世將記

其碑陰云宣聖廟原在邑城之中傳聞碑刻甚
多緣歲遠湮沒大定辛卯東魯聶侯宰是邑創
建新廟將落成一夕雷雨大作有巨碑四踊土
而出遂遷於廟中餘碑多剝落惟茲全璧且字
體端楷腕力遒勁學者多宗之

栖霞阡表元焦雲從墓碑趙孟頫書今無

重刻郭有道墓誌銘

縣志不詳所在

明天啓年吳郡彭城手摹跋云蔡中郎自稱作
銘如有道者於心無愧此銘此書誠峻絕也惜
善藏墨刻者不多覲向在王昇州齋中得一帙
勢若龍飛鳳舞又若快劍長戟森嚴相向假旬
日雙鉤摹贗雖不獲其原刻彷彿得其神骨云

以上金鄉縣志

青山郡碑

建寧三年

右碑在嘉祥縣今無

臨山谷書大江東詞石刻馬應龍書在嘉祥儒學

按應龍字伯翔上元人明嘉靖時嘉祥令

荊州刺史度尚碑

永康元年

右碑在湖陵荒野宋政和王辰巡檢王當世遷

於官廨劉宗儀立之使星亭

通志

清江直隸州志

卷十七

三

補遺

鄭固碑

按右碑插入地中尺許每行尚有九字乾隆

戊戌又六月定海藍嘉瑄瘦竹始出之校洪氏

隸釋所載每行尚少三字其右下角缺以李

鯤所得殘石在明倫堂良隅合之仍未足也

范式碑額在學宮戟門之右

范式碑明陸鉞山東通志以爲在濟州學久

失之矣乾隆戊戌六月二十六日膠西崔儒

眎於學西南龍門坊水口石岸下得碑額篆

書十字云故廬江太守范府君之碑次日移
置戟門鄭固碑之旁據土人云故老相傳明
末建龍門埋入地中其碑身聞爲民間搗衣
用懸賞購之未得

畫象石刻在州西北普照寺大殿階砌中

孔繼涵曰右刻乾隆戊戌錢唐黃小松易搨以
見贈按漢人刻象故多載洪氏書中此刻無石
甚殘剝似是一馬駕一車車輪甚古猶存探木
之意輪間有苓有璫上有蓋後一人從似負弓
矢者但車大馬小車方蓋卑不稱耳前馬頗類

六經圖之淺駟箋所謂淺薄金甲者也祠堂壁
象則應是道車後所負乃明弓矢歟畫外有廓
必非一輻止也

宋佛頂尊勝陀羅尼經碑正字

右碑在城東之南井集北八楞楞濶三寸許
出土三尺上有頂如杵向南刻佛象一小方
文自東南面刻起首云大宋國闕州任城縣
住持下半入土六面皆刻經空北與東北兩
面經中有靜覺及儀鳳某年等字或云唐靜
覺寺碑者非也

無名氏石刻

子欲修真要在性情子欲延齡謹之在身感天
戴地物我同春藥食資養妙用和平憂思喜怒
耗爾元神身閒心靜寢臥安清恒能愛重松栢
齊森一定之見斯稱大人

右石在南池金龍山神廟東側高四尺寬二
尺許字大如碗行楷精妙跡類宋人其陰爲
後人別刻他文乾隆乙酉因修廟失去所見
者李氏海粟山房拓本

隸書徐幹中論治學篇在尊經閣下

右吳江陸璣書

藍應桂跋漢人隸法唐宋以後失傳元人楊桓以篆隸名一時或猶議其卽用篆法爲隸其他無論矣吳江蘆墟陸先生爲何義門高弟曾在三禮館與望溪穆堂兩公最契合生平篤嗜尤在隸書臨華山碑至三百餘本其專且勤如是今廉使朗夫公常出其家藏手澤見示有所書中論治學篇不特筆法之妙而中論是篇其啟迪後學不淺所當家置一通者也時修濟學適成因請之廉使公刻石尊經閣下石凡十五枚

學故有漢唐碑及揚桓碑先生此石蓋超元人而上與漢人相頡頏有目者自不以余言爲謬也乾隆四十三年夏定海後學藍應桂識

明魯王府摹刻定武蘭亭帖

王穉登跋宋高宗南渡攜定武石刻以行至揚州忽入於井宣德四年東陽何公爲運使得之井中遂攜歸焉此本卽趙松雪所謂纔損五字石中至寶者

右石康熙中有州人某得之兗州魯王府基土中輦之以歸今聞又轉入某氏不可得見

矣按何氏石明末時爲東陽令強取以去東
陽人追而奪之其石見在東陽此魯府帖當
卽何氏拓本重摹者

金泰和元年碑前半截去未詳姓氏

海粟山房記

右碑在鐵塔寺大殿後門基址下

濟寧直隸州志

卷十七

三

孔繼涵范式碑額拓本書後任城學宮舊多漢人碑刻今存者五乾隆乙未之夏李鐵橋東瑛得王君廟門斷碑于大成殿西階下栢樹根間戊戌之夏膠西崔墨雲儒眎得故廬江太守范府君之碑額於學宮西南龍門池水口石板之下吾友盛君秦川皆郵以寄示且語繼涵云故老傳聞明末建龍門曾瘞漢碑於此惜今斷僅獲其額而所謂龍門者鄭與僑濟上名園記有曰西圃北直城西襟堞前抱儒學廣可五十畝故大叅西圃郭公所築也門題城西老圃堂扁

灌息公之孫重熙重杰兩文學闢講堂建號舍
多士課習其中陳太常旭窓王璽卿坦山汪水
部孺石通主之士以得與爲榮因顏其堂曰龍
門大社故今猶有龍門坊在池北呼龍門水口
矣碑雖不可卒得洪氏隸釋載其文且跋曰傳
云爲荊州刺史而碑作冀州以新野之事證之
則碑誤也考傳云舉州茂才四遷荊州刺史碑
云舉侍御史拜冀州刺史殆傳紀其末授而碑
書其初拜歟又傳云卒於官而碑云以疾告辭
韜光潛耀則碑爲異爾碑又有常山相暨子祀

孫而允嗣罔繼語特其上字有缺失不能驗悉
而傳云一名汜疑亦有誣錯焉古物多不自秘
每出爲經史證左何時爲好事者一旦得之而
先生復以寄余據之覈洪氏之書以考史傳其
樂更不知何如也

漢武梁祠堂畫像石久不存世傳唐人拓本舊
藏武進唐氏後在揚州馬氏小玲瓏山館今歸
汪雪礪處錢唐黃秋盦易幾爲摩挲臨寫又
得陸貫夫雙鈞本寄翁宮詹覃溪方綱與宋孝
廉葆淳重刻木本道亨按伏戲像贊內造作下

洪氏隸釋作工業舊釋或作王業今拓本作王
張舍人塤以爲中間曲尺是古之矩覃溪謂其
說甚精 黃帝贊內造兵下隸釋闕三字今拓
本有井田制衣四字 顓頊贊內而昌下隸釋
闕二字拓本亦漫漶舊釋有意之字 帝舜贊
隸釋併入帝堯贊內重華下全闕今拓本係另
是一條有耕於歷山外養三年八字 夏禹贊
內隸釋理下闕脉字泉下闕知字隨下闕時設
防三字隸釋但云闕二字又訛過爲退呂氏會
据拓本辨之朱竹垞太史亦以爲然 曾子贊

据拓本凡六行行四字隸釋首行止闕質字而
注云闕二字非三行闕神字四行舊釋爲有靈
乘乃而隸釋作著乎朱方六行舊釋全闕隸釋
僅存無綱二字拓本亦然但無字稍左偏似尙
有邊旁耳 閔子贊騫下隸釋闕一字今拓本
有與假二字居愛隸釋訛作居喪居愛下拓本
有有偏二字隸釋云闕一字非末二句騫下御
下失下隸釋皆闕一字今則全文可讀乃是子
騫衣寒御車失稭呂云稭與鞅同此贊釋文諸
家脫誤尤多 丁蘭贊終歿隸釋訛作終後因

通鑑上卷

卷一

中

之

范式碑昔在濟寧學久失之矣搨本亦不易得
乾隆戊戌膠州崔儒眎得碑額于龍門坊水口
遍覓碑身不得越五年錢唐黃易寓濟學之道
古小堂得范式碑舊拓本蓋泰安趙相國物也
從曲阜孔繼涵寄京師未幾孔歿歸安沈辛齋
升嶠自京携回得杭人盧文弨北平翁方綱石
公張埴諸考辨又靈巖山人畢沅江寧嚴長明
皆有跋未載入道亭識

漢平狄將軍扶溝侯朱鮪石室畫像沈存中載

入筆談以爲真漢制而土人或不屑意曲阜孔
戶部繼涵曾拓取數紙後值黃流淤墊石室沒
土中甲辰夏邑令馬君于荃畚鍤出之并拓視
末幅有朱長舒之墓五字字畫歪斜錢唐黃易
以爲頗有八分體勢也



